



秋澗先生大全文集卷第二十一

案此行原脫

誠說堂



三牲致養應為易  
楊子怡親志所難  
滿抱忱誠無少  
慙一杯菽水見真  
歡詠歌豈取時人  
譽温清思貽後嗣  
者想得歲時稱慶  
處春風香藹紫庭  
蘭

史宣慰子明友松亭詩

壯歲英威大樹馮  
老依松翠養襟靈  
秋聲幾泛投壺唱  
偃蓋空懷倚杖形  
華屋丘山驚夢斷  
玉堂編簡為君青  
千年貞魄棲修幹  
不信龍泉閔夜扃

壽張左丞子友

甲午正月十六日

箕尾儲精一氣盪  
仰看風骨秀而神  
青宮羽翼風雲舊  
黃閣調和鼎鼐新  
若論抃時非易得  
與同熙載更

誰親一盃重為君侯壽紅藥堦前要好春  
 春坊璧月桂瓊枝人物風流映一時四海蒼生欣望  
 惟兩宮和氣對時熙西池進讀霑殊遇東閣追攀辱  
 舊知此日壽君宜有頌載歌箴傲武公詩  
 供職詞林已四年今春添壽倍增妍詩如東閣梅花  
 細人在春坊璧月圓漢業翼成無跡考遂初亭暖覺  
 春先沙堤有語蒼生福好在論思拱御筵  
 今歲調元事體新風雲開闔入經綸兩宮受賀安磐  
 石萬國歸心有老臣相業儘高麟閣讚醉吟時到野  
 亭春五雲深處台星爛長見清光拱北辰

甲午歲正月廿三日右丞何公應麟華誕  
 謹奉唐律二章以介眉壽

庭檜婆娑一畝陰貞姿不受歲寒侵侍謀東閣時情  
 協養浩南憲夜氣深閒縱詩懷穿理窟靜觀羲易見  
 天心百觚刺有春風釀重為明時要細斟  
 叢臺粒服士如雲又見聰山一氣春帷幕細談天下  
 事典刑渾是老成人詩來東閣梅花細歌入民謠漢  
 法新健美武公宜自傲太平勲業畫麒麟

過左副買相公新阡

左副新阡何處尋神陽東北望喬林連城政美無瑕  
 壁萬卷書多遺子金冠劍圖形凌閣重風烟埋恨石  
 麟深峴山欲墮豐碑淚桃李公門綠滿陰

彭澤二賢堂為江州周使君賦

歛裳宵逝無三月待臯鳴琴滿五年與論行歲元有

異比量心事本同然浴光力取虞淵日示貶忠凝甲  
于編千古新祠下月不應獨照二公賢謂分光於使君也

李清甫分齋

鷗飛不遇大尋間鵬翼雲垂九萬搏每自忖量彞秉  
外就中增損一毫難洗心俠習從多可放眼青天有  
達觀拈取榜齋才隻字此身還有泰山安

送表弟雲卿經歷赴上都先時韓壽院判  
仲常詩有通介不隨新進士蘿藍依舊老

書生之句大為王君稱賞及北行仲常用  
元韻餞贈韓持詩見示亦請予依韻相送

因勉為賡賦

樞庭機務貴謀成調議中間執倚平經事莫深吾弟

慮臨機能盡上官情正煩幕畫孤忠壯肯着車輪兩  
角生明日馬頭新店路居庸山色照吟觥

秋日宴庶園清露堂并序

右相康公奉

詔分陝七月初一日宴集賢翰林兩院諸  
君留別中齋有詩以記燕行因繼嚴韻  
作二詩奉

平章相公一粲時坐間聞有後  
命故詩中及之

何處新秋樂事嘉相君絲竹宴芳華風憐柳弱婆娑  
舞雨娟蓮嬌次第花照眼東山人未老舉頭西日手  
空遮賓筵醉裏聞佳語喜動金杯五色瓜領聯一作高雲錦席

翻涼吹翠蓋  
紅粧簇藕花

朝野歡娛到靖嘉五年經制見金華先聲遠動秦川

樹後命光融紫禁花歸騎不妨沙路晚留中恐為

國人遮暗用司馬端明自慚忝列絲綸地憔悴秋風

一繫瓜

德壽殿玉方池研理宗所御德壽殿為太

即碧綠也

玉斲坤形窈四溟丹書猶認壽宮名紛落墨騰蛟

霧浙秋風拉瑟聲神物不知崑火烈碧綠今對玉

堂卿眼中多少興亡事白髮孤臣最愴情當時同僚

齊學士劉東崖侍讀

趙方塘皆宋人也讀  
甲午秋七月九日扈山約赴李君水芝之會

予以事不克往明日例徵詩因繼中齋韻

陪京秋早物華清杖屨迎秋出綺城蓮社與吟千葉

白盤餐非為五侯鯖眼中闍老何瀟洒意外浮名任

易更唯有柯山山上月歸心同照石梁橫

飛蓋進隨野興清冷烟疎雨濕層城兩舷踏足空蓮

唱大嚼過門得昂鯖錦席高雲增爽朗秋風殘暑喜

交更竹西歸晚留餘思詩在夕陽澹處橫

為周紫岩賦冬日牡丹蘇州人右職出身

中齋

翦江風十月霜寒梅時序見花玉一枝重薦金盤

瑞滿幄濃薰麝粉香協氣暗扶忠節杜名葩未伴紫

岩芳故園從此息光爛卷裏題詩半玉堂

先生襟韻氣之清開府歸來客薊城雅集不知河朔  
飲名談有味德麟鯖歸心落日常躑躅世事浮雲任  
變更夢到柯山、上月流光還愛石梁橫

賀梁叅政陞拜左轄

故都喬木百年春累葉簪纓得相君馬出渥波騰逸  
氣豹威玄霧見奇文十年珮玉何清響一見英標勝  
素聞刺說昂調多至味兼收時到野人芹

題奉常李謙甫歸覲詩卷

十載馳書望玉闕一朝羅拜喜生還溫顏孺慕猶親  
側秉燭相看似夢間棣萼香凝姜被暖故鄉誰羨錦  
衣斑鶴鴿庭樹春多少車馬西行總詔頒一首自

未四十年阻離殊域喜生還  
萼韡承餘譙樂錦衣誰夢照鄉

賀唐承旨新堂落成

碧鷄華構喜新成軒瑣虛明夜白生花影入簾詩思  
泚琴聲當戶月華清人生孰若安居樂樽酒重尋舊  
雨盟不作老張輪與頌玉堂清議正煩鄉

甲午八月一日赴李揔管蓮塘之會坐中

走筆賦此

斗酒初醺倚畫欄藕花紅映萬珠盤野烟高柳吹衣  
濕碧落銀河照眼寒老去自知情味減興來思盡故  
人懽相逢一笑真難得况復君侯禮數寬

諸人酬詠既已復和前韻

垂柳橫橋轉赤欄望中清興散愁盤玉淵堂迥山光

碧秋水臺高午景寒爛熳不知前日曾唱酬當記此時歡平生肝膽向人盡不是悲秋強自寬

甲午中秋日宴同簽洪公東第賓僚集賢翰林兩院而已將暮雲陰四合既歸月明

如畫偶賦此詩且記盛筵三首

今年秋夕賞心何絲竹堂深間雅歌三院盍簪都下少四筵登味海東多休辭皂蓋停車較盡倒清樽待月娥兩袖桂香翻未盡更憐歸路影婆娑  
赤囊無騎海無波今歲中秋樂事多為愛願軒吟興逸來陪詞客醉時歌紅雲照眼瞻天近白髮欺人奈老何連夜暮歸驚夢異林間金背看陂陀  
梢：英氣秀橫秋此日青雲接燕遊賓府笑談詩禮

帥故家人物鳳麟洲為憐桂影饒清賞歸避金吾怯晚留為見願軒慙厚意更將遺興較詩籌

題高和甫侍郎先世圖譜後

故都喬木幾蒼蒼高氏宗支慶緒長兩世簪纓登相府百年忠孝見諸郎解紛晉漢多陰積歛社韓劉避耿光什襲寶藏防墜佚衛公遺物要同芳

送東崖學士總尹建昌軍九月十三日

待詔詞林整十年黃金橫帶列朝班紅雲黼宸瞻天屢白晝鄉闕着錦還顏筆謝詩增曠達銅陵碧澗夢躋攀殷勤華子崗頭月先借清光浣別顏

遊水峪

雨沐山容晚更鮮峪深行入洞中天林間石碇傳經

鉢嶺崦雲封種玉田世味酸醎誰自信人生聲利古  
難全道人歸潔宜諳此抱石歸來煮夜泉  
今秋山北迂回鑿偶得新詩記往還臣子要知吾分  
在功名休問老天慳滿軒光寵居庸道兩袖風烟水  
峪山同見同游又同樂從容恰及一句間

過海之高元新屋

高于幽屋遠若村北城下柳藏門寒因霜早收梨  
粟貧喜家安遺子孫閒裏有詩渾湯興客未止酒對  
空樽自慚過訪成踈曠戀々相看到日昏

為洪洞簽書諸公中秋燕集詩卷因題於

後

題詩靄靄碧空雲一樣書來更可人落墨空翻龍劑

黑清吟真有鴨江春鷄林取重吾何有樞相知音世  
罕倫還笑愛鵝王內史寫經時與羽沉親

壽泉平章

兩朝元老漢刑儀宣室深香侍受釐博識不遺三篋  
秘拜公應較十年遲敢從汗簡聯清秩喜為裁詩薦  
壽危瀚海綠波三百曲歲浮春色上芝眉

壽董承旨正月十一日

百觚春酒遐年壽千首新詩二品官窮達不為身外  
計功名儘向後來看細圖野隱明歸志靜撫孤松愛  
歲寒此日稱觴宜有頌兩宮思眷古為難

送縉雲教官伯讓之任瀏陽仍和見贈韻

縉雲遙裔以才聞遠任長沙吊楚臣論學拜官甘冷



職返門求益有斯人道傳伊洛真吾事詩到齊梁恐  
後塵領取漢家聲教去六經何地不陽春

元貞二年丙申元會日大雪

萬寶陳庭未是奇千官朝處玉為墀靜看整齊  
態不礙鎗濟儀法部氣嚴催箭舞御爐烟澹  
濕鷺旂小臣歸美豐年度不數元和賀雨詩

送省掾李希顏隆興總判西京人

春水延芳扈從辰笑談鞍馬見情真幾年畫省含香  
掾一日公堂入幕賓政異莫如官事簡心丹田夢帝  
城春古稱四海皆昆弟洒落如君有幾人

題彭壽之慶八十詩軸

竹色宮墻野粉黃百年遺老見張蒼青雲仕宦思疇

昔白髮光陰在故鄉步健不知鳩杖勁眼明猶炯竹  
書光若從九老徵遺事好着丹青畫寶坊

大賢詩三首并序

甲午歲正月廿二日癸巳偕翰林諸君謁  
太傅伯顏公于東城甲第之北堂公姿威  
不見猛簡不失和真魁傑人也公初至燕  
首詢諸何右轄曰翰林諸老今在者誰及  
是歷問各官壽期今供何職疇禮間顧相  
謂曰

朝家所以養諸老者正臣乞言論政而已  
如事會議各顧官守未免或偏若集之同  
僚則議論通一所益良多某曰前世立益

政院者正此意也。中丞崔相亦以為然。乃知公深謀遠至，氣量含弘。朝廷之上，軍國大計，心無或不在。所謂大臣以道事君者也。既而公出，衆俟門屏間，遣紀綱來謝曰：「不敢多勞，遂退。」因得大賢詩一首，紀其披覩之快。後二年，公府掾張楚持畫像懇予哀挽。既書，鄙辭載，惟疇昔情有不能已者。且念六合雖一，相業未展，天不憇遺，哀斯民之不幸也。噫！因附錄于後。

萬馬龍驤宿漠陸，朔雲邊雪避旌麾。麟遊近數人歌瑞，虎在深林氣甚夷。解甲齊山降宋日，鞠躬趨陛入朝時。有懷不盡蒼生事，空詠皮公七愛詩。

使華來自海西邊，一日風雲擁將壇。仁信有餘收戰格，旌麾不動下臨安。應憐文武匡時切，忍對麒麟畫像看。不獨臨淮開府掾，追思勲德淚闌干。軍容機政兩儀刑，自有胷中節制兵。直道事君忘智勇，丹心為國儘忠貞。風雲感會千年契，笳鼓歸來六合清。遙想翠華秋獮際，聖情凝佇聽輦聲。

異菊圖一枝十花容，色各異未之見也。故賦。

枉說重巖細菊班，連看十樣更清妍。不辭老圃秋容澹，要見花神景氣偏。越被香濃薰百和，柴桑人去已千年。醉吟不用江州白，此日東籬得董仙。

百品流芳見已稀一枝獨秀更堪奇秋陽借暖留三  
徑翠袖分香列十筍竹外晚粧明閣院月中青女要  
新詩繁華淒斷長沙夢盡裏淵明又一時

聞友人買犀帶

聞君饒價買犀躔侶為精神見老年論品要勝華袞  
異垂腰猶欠玉魚懸通天即是裴公賜素髮其如白  
傳顛留取百錢休妄費安排開歲置貂蟬

贈潘州朴生子温

鍾門未謁樂新知自說容城指授師孤鶴遠從華表  
下六經都向管中窺西山掃墓懷私泚東郡趨庭儼  
聖恩莫把一簞顏氏樂春風吹作錦囊詩

送總統佛智師南還

釋教總統佛智大師姓積寧氏名沙囉巴  
華言為吉祥慧也西番人祖相嘉屹囉父  
沙囉觀以象胥主譯諸經至師八世矣師  
早侍帝師發思巴受知先朝精詳內  
典又喜儒書樂與吾屬游元貞初選師為  
江淞總統明年率諸山長者入覲獲侍清  
燕啓沃一言煦燠三吳同熙大覺未歸江  
東父老投牒行臺趣師南還將行以贈言  
為榮困賦是詩以送

白足毗耶不易逢鬢絲禪榻偶相同經來震旦三千  
界人在天龍八部中滿送酒船浮北海細薰香霧供  
南豐江東父老催飛錫要沸潮音與海通

南豐公與梁總判楊少監武子劉摠官叔謙會梁  
都運高舍別墅夜話帳中樂怡也梁君  
索詩因書此以答雅意元貞三年二月十  
八日也

問字嘗思過子雲一樽梁墅喜情親清燈夜話逢知  
友喬木蒼烟憶世臣野水添杯無盡歲戾門儲慶有  
餘春五枝休數燕山竇黃閣經綸見秉鈞

挽子敬楊君終唐州知州子裕母弟

青血陂陀閱夜泉鶴鴿庭樹已瀟然一樽卮飲留情  
話五馬長歸是別筵黃壤冷埋林下壁綠波空泛幕  
中蓮息軒未覺風流遠行見吾彪歷試年

送李敬甫之任靖江摠管

海山蟠亘十州環桂嶺西南隘漢關吾子有材稱吏  
治土風從古號時慳老天形勢開炎德赤子龍蛇雜  
洞蠻交致恩威民事了雙旌歸早慰慈顏

呈高麗世子

霞綺紅潮鴨綠清風姿渾是父王英禮文曲折猶周  
制脂澤涵濡見漢甥衡宇接談今日款中堂陪宴嚮  
來情鳳凰池上應回憶慚愧朱絃一舟行

冬日海棠

玉環朝醉綠雲鬆睡足幽軒不信冬春色暖私神州  
異丹砂重見海洲紅銀缸侍寢留高照青女憐嬌偽  
動容似與方平慰親老金盤佳品不教空

壽唐承旨母王氏

承旨五六歲授孝  
經論語於母氏

教子堂深映謝幃，碧梧停鵲發英蕤。燕脂點額猶宮樣，懿範齊家備母儀。香裏鸞花回紫誥，雪封梅信動橫枝。百年好在升堂拜，歲分香入壽卮。

慶王彥舉太夫人九秩之壽

花柳西池點翠妍，婆光曾現竹宮烟。年高賜幣承恩重，子孝能忠見母賢。女誠者來彤管煒，雲花行墮誥鸞鮮。風流九十人間福，纔是平頭第一篇。

和樞院王仲常雪詩嚴韻

龍武新軍宿禁墻，鉄関風急走降王。雅歌望絶皇華使，朔雪春回黑帝祥。四海同風有今日，九天清吹表戎行。兩宮和氣春如水，併捲流霞入壽觴。

壽王仲常院判

顴骨清竒類左山，紅雲香軟侍天顏。處心久在升沉外，着我何妨伯仲間。密學潛隨宣邸轉，新詩清與化機閑。太平有象邊聲靜，醉聽長歌入漢関。

題節婦寧氏手卷

蘭有幽姿竹有筠，秋霜庭戶諳清芬。誦詩已矢靡他節，在禮初無再醮文。蟋蟀聲寒思曉織，若蒿魂黯夢孤墳。楚王祠下秋原迥，消得旌書倚碧雲。

贈高麗樂軒李叅政甥朴學士中統初予

載筆中堂陪先相，文會且有唱和。今覩高標日暮，懷人不覺慨歎。因賦是詩為贈，情見乎辭。

鴨綠江頭老謫仙，醉中吟諷得微言。當年翰學推賢

相此日高風得樂軒白雪陽春元寡和翠鸞朱鳳看  
同翻鴨江秀色雞林筆歲、封章入紫垣

題保定醫學劉教授慶八十詩卷

八秩光陰積慶多笑看金狄手摩挲前知來事疑  
思邈集驗儒門似于和藥籠功名閑等第醉鄉風月  
飽經過雞川如畫郎山秀好在春風十二窠

和贈高麗鄭學士詩韻

豹管潛窺見異姿雞林詩好動京師恩深自比滄  
溟濶國小方資節相毗寶瑟聽來多雅唱人生樂處  
是新知蓬山歸到梅花在千樹清香醉拾遺

和雪中鄭朴二學士金司業來訪詩韻

風雪長安撲玉塵詩成駟背欲誰親海東游子興不

淺醉裏微言語更真膜拜尚思瞻國老過門今喜得

陶翁人生適意無南北宮錦淋漓未厭頻

挽馮廉副壽鄉友契

漢署千官列兩曹當時儀物尊清標擊囊議事驚孤  
注霜簡推姦見六條樂府名香金鳳曲楊橋風細月  
明簫雪崖遺恨埋千古大樹風悲日寂寥

養志堂詩為前江西省郎中孫居仁字謙

幾年臺省列清班一作聖門垂教邑為游刃恢政  
務閒順志如詹推致養為親捧檄即承顏餘歡方在  
恩榮際純孝初非口體間開卷諸公足歌詠自今錫

顛滿鄉閭

高麗國王謝事詔世子嗣位東還詩以送

禁嚮東林得象賢，遠持龍節赴真傳。  
靜看麗海風雲契，更覺天東雨露偏。  
萬里寵光隆帝館，三韓春色入吟鞭。  
百年藩屏敦姻好，合有忠精在日邊。

秋澗先生大全文集卷第二十二

甲戌八月二十三日校完此卷稍霽

秋澗先生大全文集卷第二十三

七言律詩

贈西雲上人 系海雲高弟

前日賓筵偶遂披，視一言有機口有不  
能言者如雲之在天，水之在罅不復喻  
其快也。謹裁鄙詩奉為上人一噱。

吏用公才不易逢，茶烟多颺落花風。  
登壇懸斷羣機息，面壁傳心萬法通。  
慧眼正來珠媚浦，浮雲飛盡月當空。  
虎溪公案元瀟洒，會酌松軒一笑同。

謝岳昭文惠新曆

夢破敲門蝶翅翩，一編星曆衍堯天。  
人憐短景催殘臘，斗轉嚴城永日躔。  
天外春回龍集閭，林間香動紫

生烟迢迢細付宮壺漏正是昭文進德年

跋祈真人畫像

何處人間有洞天青藜曾探寶珠玄柱頭番語疑遼  
鶴物外孤吟覓閬仙木食草衣元澹泊竹風松月自  
清圓壽宮舊有燒丹灶空憶靈砂漬夜泉

送安叅政南還汴梁并序

叅政安公與僕定交於中統初元契濶  
者廿寒暑大德戊戌春邂逅於京師樽  
酒談話追憶疇昔念故舊之凋零感歲  
月之易邁情不能已者謹以唐律為贈  
既先回旆且寓愚意之所託云

黑頭早揀侍中貂當日雲霄一羽毛忠翊殿庭稱謹

密量吞河海見雄豪風雲夢繞調元鼎珥琫光含切  
玉刃此去斯文應有記豐碑還擬泰山高

題南塘居士宋公畫像卷後

南塘結夏水芝香對展蘇黃拜燕堂文獻在公推故  
舊琴樽娛客盡徜徉傷心此日空圖像照眼庭堦失  
雁行白首那堪題往未容拈筆涕先滂

跋東門祖道圖二首

東門祖帳威官儀潁水鸞旂動漢駢燕几道尊蓮有  
踐碧空雲靜日重暉飄瀟物表桑榆景洒落人間寵  
辱機東海西邊兩丘土至今書畫見宮闈  
二疏心跡本鴻冥解跋南還敬履輕劍履中朝陪百  
辟風雲高駕渺雙旌問金奚有田廬計歸夢都忘寵



辱驚詔獄淳然賢傳死虛勞明主問蕭生

奉和寅甫學士九日迎

鑿北口高韻

青山紅樹映晴寬玉削方臺積粟西不憚陂陀屢登  
涉喜陪朝謁共扶携霜風偃薄干林靜雲海蒼茫萬  
象低心自屏營瞻戀切佩聲常在筭班齊

翠華南下拂雲霓駐驛軍都漢縣西龍虎臺高驚峻  
絕蓬瀛人老許扶携許扶携班延九天日月瞻光近  
萬國衣冠入望低佳節迎

鑿得清賞牛山初不羨東齊

過趙瓠瓜林墓  
竊、停雲有所思樂天池上獨來時瓠瓜散落和雲

扶疎趁醉移樽酒草堂前日夢小山叢桂  
曠悲挽鬚因憶桓伊事却無為解頤

長至日即事

睡起闌未催賀節牙紅點雁成行仄飛瑄透千門  
遠繡刺功添一線長極壽百年驚過半從心七秩有  
三霜發身不羨錢神潤要把青箱付窟郎

挽平章御史中丞克齋公

牙冠高聳絳為鞵霜色橫空一鷄秋瀉鬼遽來白  
露泰山歛裂駭黃流氣從温造行間魄龍逐

下游反袂兩行知已淚黃雲衰草夢西州

州者蓋暗取也

哭挽母弟略監使

分携洹水儘離愁。誰料儀真是徹頭。留別有詩驚吐  
出。逝波無夢便悠。遠遊不負江山興。鞭策空淹管  
庫疇。老子慮來非一事。后溪。上暮山頭。

雪後即事

一雪都城二尺強。桂珠生事日尋常。羣鳥慘。飛不  
下。萬木林。凍欲僵。頭戴鷓冠甘潦倒。氣同尺蠖伏  
泥藏。倘為得放歸田去。亦是明時盛事彰。  
昌缺原注

翰林即事

官守拙

湘雲彌月二首

是日辰

先府

珍菓犀錢架洗盆。鎖牕香霧濕湘雲。春風暖透青綾  
被。初度祥開貝葉文。禪竹翠含筠籜嫩。倚蘭紅茁露  
芽芬。細裁百疊清江錦。留待鞦韆備綵紛。  
彩檻移春照綺牕。酒船浮臘進中堂。員暄比獻茆簷  
日。燕寢先分鈿几香。缸燼翠凝鏘鳳螭。蘭膏春滿洗  
兒湯。顧應我父情鍾愛。一笑燈前撫坐床。

送杜熙正省掾考滿授四川省都事

扣門有客稱熙正。考滿西歸得蜀除。照眼鄉鄰韋曲  
好。趨程閣道劍門墟。烟霄顧接新桃李。勲業紛翻舊  
簿書。鄭重故人高左轄。雪山清興近何如。  
長春宮溪水復至

臨漪門外碧波融又見分流入道宮  
閣苑烟霞增景氣寶山松桂動春風  
忘機靜玩沙鷗雪潤物中涵上善  
功道脉川流元一致滔東注浩無窮

謝徐容齋贈梅

燕釵宮額蠟粧勻夢繞羅浮雪裏春  
持贈一枝遶老眼淡依疎影度黃昏  
風流燈下佳人面瀟洒吟邊竹葉樽  
我老忘情被花惱曲嶂深鎖惜芳温  
容齋清節揚州遜贈我官梅興寄深  
宮額黃嬌渾綴蠟綺窻香淡不盈襟  
春融壺浸催先發雪壓溪橋憶練尋  
茆舍玉堂初不間似將渠表歲寒心

弔鄭徵君悅心江南儂州人年將四十以氣疾死大都官舍善五星  
有易學注  
鄭氏新說

春風雙節入閭門吳市東鄜遇異人  
太易有靈蟠化筆天星飛跳見凝神  
燈幽窳室驚媧畫槎泛銀潢挂浙津  
反袂兩行尼父淚定中臺下泣吾麟

范徽卿風雪和林圖

天策桓桓控上游邊庭都付晉藩籌  
河山表帶連中夏風雪洪濛戍北樓  
笑看奇謀收葉籠未妨民賦課甌婁  
丈夫志在飛而食不讓班超定遠侯

題劉處士墓碑後

劉君襟韻晉人清者舊風流有典刑  
三代鼎彝資噩一家鴻鵠自冥冥  
骨中素貯文康訓雲際曾瞻處士星  
花落草堂人去後陵翁時遇看埋銘

大德二年冬十一月同昭文大學士若思

登太史新臺周覽儀象久之而下侍行者  
妖子公持

徙倚靈臺萬象新仰窺圓蓋偃鰲腹龍冲都柱驚坤  
軸望入星躔候北辰日扶陽烏符益晷春浮元氣上  
儀輪思侔玄化稱平于太史于今恐後身

贈不蘭奚侍御

奕世威名大樹蕭孫支騰秀見英標肅清吏黠懷三  
畏摩拊民瘼入六條烏府共推清廟器黑頭行棟侍  
中貂仕優政有詩書樂洗耳齊竽聽舜韶

廣平毛巨源壽萱堂

百順無尊五福榮華堂高揭綠萱名鳳花雅貞忘憂  
草蟻酒香翻獻壽觥蘭玉照庭連秀氣珮環合節有

儀刑東風細颺簾旌繡會見鸞書下玉京

張子惠母夫人手卷

夫人內治日嚴貞定省歸時有訓懲孝感庭幃深  
養德融民社見春凝凱風吹棘心何切宿草含輝樂  
不勝七子有材俱茂異慶門送此福川增

王太君授誥正月十四日拜慶家庭

隆福宮深淑景長今年壽席倍恩光鸞回紫誥擎  
耒重花覆璫輿煖更香象服委蛇儀範遠  
內官朝賀珮環鏘細傾洗玉池遣酒常領春風拜北  
堂

送趙提舉之順昌縣尹 字仲遠

望入江城鴈影翩春風吹上洞庭船幾年戰藝東湖

上一日觀光北斗邊慶賞莫誇王勃序吟鞍歸袞統  
朝鞭詩雖六義功非易未厭蟲魚學鄭箋

送李司馬任順德總尹

司馬桓桓漢徹侯十年藩府佐邊籌氣凌朔漠三秋  
雪人在元龍百尺樓已濟時艱完大節又宣風化入  
南州知君致澤平生事行聽民謠誅八駟

順德道中

魏勃何人擁使軺鵲山東下半林皋清霜原野鷗盤  
健明月關河鴈影高遊宦有心空載質寧平無策漫  
操刀黃金臺上燕昭相甘為摠衣授六韜

贈中山賈仲器

刻書工賈仲器中山永平人諱德玉為

人誠信多巧思平生好讀許慎說文解  
識字意故刊書之際多所助益衆工讓  
能推為方今第一手近趙人木甲氏亦  
稱善碑刻者膠書紙於石立鐫全文略  
不失真未審與仲器所刻氣韻為何如  
也賈今年近七旬技精不少衰白髮蒼  
顏兩目鵠視似耻與凡禽為伍身來求  
詩書此為贈

翠琰梁停有異觀賈生琨削近烏蘭湏知成已填書  
藝信是春坊刻玉官千字誄精山鬼泣一鐙思苦夜  
臺寒惜君不致山陰楔八法從渠入木看  
乙亥歲京師除夜

住京誰計盡權錢，戀闕心丹力不全。干祿自慚三  
釜粟，借車津遣五窮船。故鄉此夜偏多感，衰髮明朝  
又一年。乞得殘骸便歸去，草堂猿鶴已悽然。  
庚子元日賀荀嘉甫授徽政院長史  
忠孝堂：漢宇孫更忙，相見每留髭。掃愁不為青藤  
酒，展賀未敲白版門。中議素高徽政府，清吟時接謝  
公墩。老夫幸有西池遇，東閣垂思合細論。

詩呈平章公

漢家六合恢文治，雨露恩深到海涵。機務救時傳世  
業，衣冠故里仰華簪。闔門饑凍心雖切，七秩歸休分  
亦堪一語倘蒙天，曷去故山春滿讀書龕。  
謹按遺山筆錄載梁氏家世甚詳，中有云

斗南先生登明昌二年進士，為人讀書精  
熟，喜作詩，有幹局吏能，剖繁治劇，不肯下  
一世人人。長于機務，可謂有乃祖之  
風矣。故有傳世業之句，附于詩左。  
雲卿郎中，方以嗣續致慮，側聞美璋喜作  
詩為賀。

平生陰德爛於門，况復昌黎一氣氲。詩夢占祥元，有  
光大賢之後，豈無人。蘭芽秀茁根初異，海果生遲實  
自珍。我老喜為湯餅客，一杯光動竹亭春。

夢昇天詩

庚子春正月壬午日夜夢天風吹來星  
漢未曙梯雲上，征極天宇而止于倚雲

下視倒影四垂澆漾滅沒有不可望焉  
者既而覺清寒逼人神思飄颺毛髮為  
森豎也遂躡空而下入道室與張仙翁  
遇良久出翠拂紫端相遺而寤夜漏下  
二十刻矣予平日異夢甚多皆莫之比  
因作詩以紀其詳

沉、玉漏三更後鵬背扶搖九萬搏形管夢傳江令  
筆紫袍歸抱上巖端蒼溟出日瞻天近碧落銀河照  
眼寬欲躡帝廷誰汝畫九霄風露不勝寒

官冷何心日九遷雀羅庭戶任蕭然盍簪省闥和三  
益珥筆螭頭整八年臘味漫斟燕市酒春風誰送米

續張叅政守歲詩韻兼寓鄙懷道號秀江

家船西山日暮歸院晚自斷行藏不問天

庚子正月十一日夜夢中丞崔公顧揖問

宿露紅蒸海日曛分明未與一樽同炯開紫門闌  
外思遠金根豹尾中鐵柱高標臺闌在遊魂淒斷夜  
堂一宵鬼伯相催去天上人間獨有公

介郡君王太夫人壽

寶香鸞誥鬱宮羅春動麻姑送酒歌森玉堦庭花映  
座試燈門下月舒波華筵燕喜乘軒貴白髮光陰得  
壽多五福人間誰得似金盤傾露醉紅螺

送曠秀才奎東還廬陵并序

奎家世居吉州安成人幼讀父書弱冠

游學四方歲丁酉由長沙泛荆湘沂巴蜀寓錦城邂逅高相一見傾蓋留連二歲戊戌春學士菊巖降香至蜀會於錦官辱相知夜雨連床春風嘯詠臨別且贈以言而有天都之約會有司以茂異舉達之風憲適高相移鎮江浙附驥東來分携于驪山之下臘月抵京師諸公協薦于春官但奎以親老家貧倚門有望而動高堂式微之嘆遂丐之當塗欲安分義俾行省于學官委任焉因賡嚴韻為餞且寄聲左相高公云

廬陵俊造以奎名投刺未登北海瀛白壁定交高相

義錦宮持論蜀江清幾年書劍悲游宦一曲滄浪聽濯纓聞說歐詹歸有德停雲回首夢柴荆

大德四年五月中旬余從太史郭若思求畫周文公肖像者數日竟以事奪因作此詩以見鄙意幸賜采覽

十年寤寐周公像幾向軒墀拜統紘宗祖配天終北面洗兵回雨見東征道存履舄歌狼跋天動威靈表聖誠久矣吾衰嗟不復仰儀臺下候神明

賀威衛王公壽

威尉龐眉七秩春不車不秋曳朝紳氣嚴樞筦王猷壯光動蛟龍羽扇新衛武賦詩申傲抑廉頗一飯見精神因公重惜麒麟筆待與金城老馬真



無盡藏

山海沉雄斗極邊  
江東滙玉為淵  
停雲晴佇思親  
望綉帶香翻上塚  
船山色水光無盡  
極竹風松月共  
清妍千年山立  
梁中憲長與坡仙  
共一天

壽梁太夫人

雲開真館桂華新  
婆彩穿簾瑞靄  
羽異兩朝梁左  
相起居八座太  
夫人香翻錦宇  
鸞回誥花滿金  
盤脯  
擗麟聞道麻姑  
來獻壽一杯春  
露從平津

贈相士李達

蒼狗雲衣耐事何  
都城風物閱人多  
神光爛爛開岩  
電法語琅琅振  
玉珂每詫顛竒  
觀慶曆間評鈞  
幹過  
銅駝春融不逐  
秋陽老一笑西  
風付踏歌

題無名亭詩

韓右司雲卿築亭於所居後園不侈不  
陋面勢軒檻爽朗靜深窈而有容公餘  
盤礴披玩法書名畫其間心適體胖冲  
然有得所收家數內陳無名最為之  
冠其文甚蔚如春雲出谷態度不一信  
可怡悅而友也用扁為亭名且見夫主  
人平昔篤志立行務造實理不事表曝  
之意喜為賦詩以歌詠之其詞曰

朝回守口澹於餅  
觸事初無寵辱  
驚自上經元有說  
顏瞻新扁本無  
營書傳遺帖三  
倉古披構高堂  
一雪  
成快意只須揮  
獻議出門長笑  
大江橫

題萬知府瑞麥圖 二岐至五岐者

汝南今歲麥連雲一氣祥蒸德化循春露潤含千壠  
秀薰風披拂五岐新嘉禾共穎宜同頌神草聯莖恐  
謾珍旌異穎川元有例會聽增秩佐經綸

送李景山宣慰夜郎仍用 別詩韻

雪山瀘水兩迢遙天暢思威壯本朝萬卷堂中人寂  
寂雙旌門外馬蕭蕭雄文喻蜀知無敵虎韞垂炤不  
待招許國壯心如此健夜郎風教儘敷條

感舊書懷

宮漏穿花隔掖垣彤庭雲靜鎖秋烟中堂載筆三千  
牘玉署觀光四十年麟獲削成周柱史座寒誰憶廣  
文瓊應憐春草東郊思老馬何心覲二天

簾筆

貯雲含霧未江浙紗罩金盤舞鳳織裁剪細筒裝紫  
穎卷舒彤管束紅簾鼠鬚挫銳藏燕拂內史傳經寄  
道龕自是陸卿多巧思猩毛貂尾兩無慙陸秀卿一  
作誰是玉堂龜鶴夜

送普蘭溪行臺中丞

漢家二十六將軍忠孝如君萃一門痛惜鯨波吹屬  
甲盡將臺憲付諸孫維持根底餘忠厚包總時情貴  
直溫攬轡澄清吾志在風沙先先霽石城昏

寄何參政

郎山山下讀書堂萬卷芸香綴夜光替善皆推東道  
主賢參高卧北憲涼林鳥返哺捷為守易水悲風劍

卷三

七

客鄉擊筑會傾高麥酒滿壇秋草酌昭王

贈雕鏤石抹世亨

石郎來自汝之墳性解雕鏤到奪真一握銀刀修月  
巧滿龕龍像雨花紛趨庭過我求名諱刻木先君表  
世臣家廟薦蘋吾祭在露堂冠佩待三薰

贈道者李雲叟

道人姓李氏諱道謙出東齊世家年十  
六歛有悟棄家入道禮丹陽馬公高弟  
劉為師既冠長游諸方洞天參求玄契  
又嘗園居於陝多積靜功時人以有道  
許之今主東雍之神霄宮曰雲叟者蓋  
其別別號云昔王逸少與謝安石常東遊

海嶠飄然有雲霞高舉之志今亦以是  
稱豈其遺意耶秋澗翁序

生龜脫筒豈易事假手柱史驅羣魔平生繕性契真  
訣萬應剗中付踏歌遼鶴歸飛三島近道心安處一  
瓢多迢然獨立雲霞表浩流光者擲梭

題葛氏臨漳五福堂

係葛經歷潤玉弟  
梅字壽之

澹澹：河流紫陌長青林東下望臨漳蒼烟拱木三臺  
里書頁翻香五福堂通德絳帷多故老謝家庭樹見  
諸郎兩公出處有深意常記吾親話故鄉

龜詩閩學士

數尾已知三百歲息胎更活幾千齡誤投且網寧無  
夢曾獻箕疇信有靈好共鶴嬉當碧逕莫趨鰲負向

滄溟松間竹下婆娑地長伴霜髯老壽星

送僧印東還鍾離詩并序

予寓居安貞里東行百舉武有精舍曰  
文殊僕方謝事需命間一往焉與僧法  
印號無文晤言以適吾懷因知師系出  
濠之郭氏其先東平人祖班常為弋陽  
部將死王事給葬於此父珍亦為州之  
機宜官師幼讀儒書長習陰陽風角等  
術既而悟塵世虛幻遁入招信嘉山尋  
師學浮屠法清修苦行致價重一時為  
兩淮朱制閫所尊敬特起華嚴禪院為  
棲息之所仍誦其品目追報母恩江淮

平飛錫五臺禮文殊光相遂抵京師  
叢林富觀大乘其氣象安心枯寂脫  
礙榮利飄然如孤雲野鶴任其去來  
若不為形迹所累者沂其東歸賦詩以  
贈其詞曰

鍾離老衲印無文燕薊常游寄此身一片野雲橫碧  
落半窻寒日弄游塵經龕入定依殘供帝里相逢  
有故人我亦天涯倦游客幾回歸卜問通津

保定曾總管清隱亭詩卷

平生不識將軍面開卷題詩得姓名清隱已安三徑  
樂賓筵時雜五侯鯖春郊羽獵來縹騎烟渚沙鷗有  
憶盟聞說懿公多賜物過門求閱儘名鄉

餘慶堂銅臺趙御史

五字是注

鴈塔題名奕葉香教開婉婉亦多方須知培植根基  
 厚遂見滋榮世業昌沙麓昔聞王氏積桂花今接寶  
 家芳牙冠高映班衣爛歲：春風拜北堂  
 慶耶律秘監九秩之壽大德辛丑三月初  
 那離山色照中華孝繼忠傳自一家閱世光陰緣服  
 食過庭詩禮儘柔嘉啓期榮樂神多與衛武箴規慶  
 未涯見說壽筵香霧暖誥恩行墮五雲花

贈雪堂

雲間徙倚妙高臺  
 蟲吹喧：海會來佛界  
 雨花香有  
 信石塘流水淨無埃  
 過溪破界東林約  
 乞未藏書李  
 勉哀想得大千香積供  
 維摩方丈白皚

贈順德天寧方丈

水晶心孔碧雲思  
 方外高閑有阿師  
 滿院綠陰人別  
 後一欄紅藥客來時  
 簾扉掩映爐烟直  
 僧榻留連茗  
 枕邊何處虛舟虛未得  
 冷翻吟棹眾波隨

送荆書記記幹臣北還詩并序

幹臣參議履事南來與余遇于襄國連  
 日道舊契濶之懷豁如也君素能詩及  
 得日本諸作清雄奇麗拂：然扶海上  
 風濤之氣令人豈勝嘆賞且聞駕海之  
 舉千載盛事然江南之險非丘陵可比  
 若以衣裳鱗介論之任責者當以萬全  
 為言因臚鄙詩敢以略及

邁往凌雲見妙年東征書檄更翩、萬艘瀛海參戎  
畫九點齊州漫野烟卉服終期歸禹貢異聞無復訪  
齋然舞于不作三苗舉好為 清朝論萬全

董氏家庭拜慶詩

順德少尹董君舜卿太夫人蘇氏系出  
冀州大家今年九十有四起居飲啖精  
健如五六十人以董氏論之親老而壽  
家温而祿雖云賦予攸厚亦孝感所致  
壬午夏季十有三日蓋拜慶辰也以歌  
詩求榮謹書此以侑壽觴之末  
娶光分秀下含真未閱人間百歲春子孝每能忠作  
訓家肥還自德為鄰庭萱吐鳳明珠樹蓮葉翻香濕

繡袍一曲南薰薦蒲酒慶筵長對歲華新

近按部襄國提舉張子厚為僕留連者月  
餘既而得代裕如也因念其治燕南鐵官  
之及最不可時同僚給淨由以付張子之  
臨財蒞政其為廉幹可知已將行以贈言  
為榮喜書此以貽

三千年來舊弟昆紫髯落、照鄉鄰白圭磨徹光無  
玷青眼者餘分更親均幹有方留後法泳游何患作  
潛鱗一杯回看河橋柳亂擺春風約去塵

挽中書左丞魯齋許公

經綸根極自朱程小學從容到大行安漢固當煩綺  
聘要湯初不待伊烹辯姦素有批鱗直旌墓當書積

善銘兩夜天官臺下夢分明危坐話平生

庚伏日大雨

屏翳驅雲障日昏雄風吹雨怒翻盆天高地厚初無際  
際電激霆研入併吞造化有神藏妙用枯焦回潤沛  
深恩客憲更喜終宵爽滌盡煩歎夜氣存

廣宗董主簿二親同壽八十求詩為慶

七十人間古已稀况登八秩壽眉齊慶延為厚于門  
積松茂同欺鵲嶺低棟萼堂深鷓接翼碧梧枝老鳳  
雙棲年長至花開後滿泛春泛春風薦玉蟲

留別鎮陽諸公

梧桐葉上雨瀟瀟涼透疎簾夜寂寥長往有往深霧  
隱虛聲何意望弓招三年滹水人情好千里維揚去

路遙多謝諸公挽留意敢將衰謬枉

清朝

哀清和公

振轡咸池扶日飛識先秦府帶圖揮氣緣剛果踈沉  
慮變出倉皇落禍機尚賴

聖朝明樸直豈防讒口重緋衣誰令諸武留遺育悵  
望烟雲借敬暉

圖回東別鶴鳴軒脫却山衣相有元汲直寢謀推  
國老羽淵沉鯨論認綸言參旗不掩千年氣楚些難  
招九死魂欲雪絳寬吾舌在有書無路達  
天閣

詩送宋克温郎中北還

神駮出水氣凌雲一顧曾空冀北羣鷄舌試香封事

秘紫宸陪仗絳纓紛茂陵弓箭空秋草麟筆公侯削  
魯文從騎不愁逢醉尉暮歸猶識舊將軍一作茅屋  
蓋門前冠雲

西池幸遇詩

壬午歲十月十二日憚以承華事略求  
見引見者工部尚書張九思已刻拜  
太子於宮西射圃內北前命近侍趨入  
者再既見問秦始皇如何主憚以所行  
過暴為對

太子首讀明分篇問漢成帝不敢絕馳  
道事喜甚至輟射繙閱悉問其各篇主  
意張九思木忽乃略為應對讀訖

以書付董八哥會靜時細聽本末  
賜酒沾醉而出

射殿風清已午間曳裙扶策拜  
龍顏首詢帝子龍樓召喜輟犀弓偃月灣  
葵藿儘酬承日志簡不負半生閒  
滿樽春露沾恩處光動西池玉筍班

挽元倅善長

危身長遊士子間襟顏相接藹于蘭  
身緣吏隱多時尚事與心違仗酒寬  
千日醉吟愁儘在一朝卧病衆  
知難空懷去歲中秋會六郡歌頭聽  
細攤今春酌別鎮東門誰料歸來便  
哭君每愛醉歌增怆慨若論友誼更  
慙懃谷駒夢杳驚吹甌寒雁行疎斷



朔雲撫卷題詩倍惆悵有知當徹九泉聞

贈張唐丞子有二首

一拜龍顏見赫臨繼開唐府更良箴執言博士議當  
取端存後朝緣自今千慮徒懷愚者料片片難盡野  
人心倘蒙銀字沾恩去未礙東山擁鼻吟  
中護名香鶴禁深津：芝宇見雄襟兩切春色烟花  
地一片丹誠羽翼心夜稜不容侵翠鑰布衣仍籍  
華簪五雲長近前星潤正要乘時作傳霖

贈史中丞并王高二侍郎

天吹驚翻白錦鷹槍楊還復籍飛騰嚴城鐘鼓殘更  
月客舍風霜半夜燈老境幾何心未已清時有味愧  
無能一麾倘便公私去大事生平幸不勝

贈趙禹卿

下有注原韻

燕市分携又六年眼中雙鬢兩皤然橐金周急為真  
樂畎畝思君類昔賢韋曲去天纔五尺田文食客尚  
三千相者一笑風神在不似長鯨吸百川

壽楊奉御五郎

黑頭宜揀侍中貂華岳秋高見隼標滿眼風雲承  
眷顧四科言語獨超遙時陪采鳳巢阿閣又領春暉  
上柳條端尹後朝斯任重祝君眉壽等松喬

贈楊吏部子裕

載覲清揚又六年克庭儀鳳更翩翩事條不獨山公  
啓風鑑能知漢相賢黃散許除伸素志銓衡停允正

吾權春風密鎖天官署常訝唐人緩所先

劉禮部歸國詩卷

朱郎同文易舊傳使華光動西海墜十年都護清如水百險歸來雪滿船壯節氣凌殷冑序吟忠到子卿璫錦窠未是春風地會見吹噓侍日邊

贈崔中丞

秀拔冰天一氣晶幾年宮閣作先聲閉門著論驚崔實審勢陳書似賞生鐵柱宛從貂珥出簡霜能肅栢臺清堂正有文貞笏擊暴摧姦是小成

月披引清商六調其一寒光相射其二冷侵牛斗其三靜聽龍吟其四遊魚躍浪其五風戩成文其六深夜回舟雙溪桐公首

唱和韻澹游張緯文僧本菴趙虎岩著苗君瑞之侄良弼求詩於余勉為奉以和以續五賢之右

露洗金波蕩碧空清商傳調自天河看未冷浸雲間斗聽久幽吟水底龍孤棹泛溪回雪夜跳魚翻藻避蛟宮一彈曾感神人暢何翅平公為斂容

謝平章曉山公見惠東陽佳醞大同枸杞書院春風靜掩閑洞庭春漲浪滄灣雲腴釀自東陽耐仙杞香來大若山二物并遺沾雅既一樽端為駐衰顏應慙潦倒登瀛客尚覲哀憐賜珮環

秋澗先生大金文集卷第二十三

二十三日映校完雲破天開霽色殊佳

秋澗先生大全文集卷第二十四

七言絕句

寄張孝先

愛而不見我心勞好在天池刷羽毛一曲紫簫風露冷黑山無際月明高

寄贈王嘉父

十日休閒一到衙冷官滋味賈長沙醉歸多趁湖南月馬上披香直到家

送王子勉天壇行香

山川望秩走星輶藩府懷賢夢想勞不為碧鷄金馬異漢家優禮起王褒

蕭徵君哀詞

卷三十四

東瀛先生有道之士也余以里閭故獲  
展履暴之拜蓋十有一年矣今茲云亡  
謹據其見聞之實作追懷之詩六首姑  
達乎感慨云爾

北上求書約重過豈期遐想仰山河  
遙來遙去公常事親見先生曳杖過  
含悲空炷影前香風袂冷然返帝鄉  
鶴馭不來塵世隔芙蓉城闕月茫茫  
李白長鯨汗漫期秋山魂冷未來歸  
傷心執紼西川路何止羊曇淚滿衣  
鬱、佳城畫不開玉霄東望靄蓬萊  
空懷華表城頭柱會有他年化鶴來

萬事生平委自然竹風松月共清圓  
衣塵總拂朝元去忍向人間久棄捐  
樓觀總成人已非身前毫髮恨無遺  
空餘讀易壇邊竹露葉青、若淚垂

比干墓

玉骨琅、盡古丘凜然英氣尚橫秋  
朱游訕訐何為者敢辱先生地下遊

雪夜

暮雪紛、亂掩窓床頭無酒只空缸  
壯懷俱與爐灰冷惟有詩魔苦不降  
旋呵凍筆吟冰柱急掃風花煮夜茶  
客去焚香閉門坐小齋初不羨山家

八月十四夜與雷彥正步月

秋聲入戶夜虫多  
辜負金樽漾月波  
燭暗香殘人欲去  
滿庭風露影婆娑

車水

鏡中流水畫中山  
酒盡銀蟾興未闌  
碧玉沿深人不見  
柳花飛度翠琅玕

夜過滑州

黑悄軍聲動地來  
魏人宵濟宋師迴  
而今一統無南北  
月下搖鞭過滑臺

跋龍眠二駿圖

玉塞沙平首着繁  
渥洼春水泛晴瀾  
幾時扈從長楊獵  
一片紅雲拂綉鞍

漢家天子狩陰山  
萬馬憑陵汗血殷  
早晚華陽春草地  
恍得似畫圖間

美人却扇圖

寶檻承恩妬露華  
背金翻日羨宮鴉  
幽閒好備閑睢德  
望絕羊車失自誇

絕代佳人擬罕傳  
幽閒無夢到河鳩  
春風靜鎖昭陽院  
落盡庭花轉自愁

游瓊華島中統元年作

鳥語山容喜客來  
耿純襟抱若為開  
六龍冷駐陰山雪  
暫擬層巔作望臺

芙蓉水殿紫叢松  
六月雲蒸此雲宮  
樂部不聞清夜曲  
舜絃聲裏詠南風

卷五

三

蓬萊雲氣海中央，薰徹瑤華露影香。一炬忽收天上  
去，謾從焦土說阿房。  
五雲仙島戴靈鰲，老盡瓊華到野蒿。惆悵津陽門外  
去，春風飄亂酒旗高。  
大定明昌五十年，論功當出漢唐前。儘消一島承清  
讌，且置堯階頌采椽。  
躡盡寒雲最上層，土花春碧夢觚稜。江山如畫人空  
老，更倚殘陽望道陵。  
玉樹歌聲繞北墟，朔風吹恨入南都。六鰲不戴三山  
去，留與都人泣鼎湖。  
光泰門東日月躔，五雲仙仗記當年。不煩細讀江南  
賦，老樹遺臺倍黯然。

杜莘老荒山訪友圖

隆中又有鹿門期，梁父吟餘獨杖藜。殆似老龐歸向  
晚，釣船猶漾暮江西。

秋懷 效樂天體

閒書遮眼睡昏昏，飽食無茶腹自捫。斜日倚門風乍  
起，滿庭黃葉擁籬根。

早起

星河黯淡湛玄雲，露下庭柯落葉紛。夜氣遠從天際  
歛，秋聲時向樹頭聞。

冬日與呂丈讀毛詩廿二首

婦道防閑責有初，文姜失御從雲如。何殊敬筍梁空  
在，秋水誠多得計魚。

卷五

四

服御鮮明擬大君，  
鞞擊汶陽春。載驅既匪勤，  
王事隱惡能無播。萬民載驅，  
濟儀威美且都。詩人流詠，  
入嗟吁。齊家為失防，  
閑禮禦亂無多金。僕姑倚嗟，  
為國規模以德將。恬然風俗，  
入安疆。新婚服，  
禮既匪禮。葛屨凌霜，  
尤失常。葛屨汾水悠，  
宛一方。條桑採賣，  
僕夫當誰知。繁，  
軋車子終日傾筐，  
沮如旁。汾沮如得民，  
方可固邦基。此道幽深，  
莫我知。却憶賓庭，  
陳百旅棘。桃猶足備，  
多儀園有桃。地狹民稠，  
十畝間。來歸來遊，  
共閑。何當一復周家制，  
各守封疆絕往還。十畝之間。

邦幾蹙，近四鄰。侵行役，  
無時怨。抑深陟，  
岵遐瞻。私自慰倚門，  
應甚望雲心。陟岵不改安，  
得獸懸門。匪稼胡為，  
禾積困。但恃鄙貧，  
居祿位不能無愧。伐檀人，  
伐檀碩鼠歌詩怨，  
已成三年貫。汝未聊生，  
熙彼土雖云樂，  
猶抱遜去國情。碩鼠皂緜，  
示約人從化。玉樹歌，  
淫國旋空。蟋蟀戒深，  
垂萬世由來奢儉，  
貴乎中。蟋蟀隰原尚，  
賴樞榆蔭人。主憂勤，  
貴一身堪鄙。昔昭徒自苦，  
只將鐘鼓樂他人。山有樞鄰，  
白石水揚。宗國由來日，  
盛強本末倘從師。服諫爭教，  
耦國似田常。楊之水。

沃土分封自晉昭子孫蕃衍喻園椒大夫休起盈升  
嘆宗本顛披爾遠條椒聊  
東楚綢繆仰見星時危婚嫁禮難成却思王季興岐  
日內外俱無怨曠情綢繆  
骨肉凋零失所親徒行踽  
樹枝葉猶能庇本根杖杜  
服御羔裘豹飾祛國人不恤反居豈無他所携持  
去恩好猶懷未忍踈羔裘  
孝養庭幃士乃常反教執役事戎行悠  
渺失所何如鵝在桑鵝羽  
晉國流風屬變携武公反思正依誰知問鼎傷肩  
際肯獨尊三請命衣無衣

道左溥：杖杜春清陰猶得庇行人國強須賴羣賢  
輔孤特何為任一身有杖之杜  
藪生蔓野葛蒙枝女子從人得所依衾枕未溫征役  
遠庶幾百歲願全歸葛生  
晉獻聽諛似采苓竟從微隱殺申生後王采察能明  
遠諧懇雖多自不行采苓

梁園對月

兒時曾住汴梁城二十年来重此行一片鳳凰池上  
月向人還似舊時明

過蕩陰東周留村

一灣流水麦青楊柳陰中野約橫幾樹桃花如舊  
識隔溪無語笑相迎



喜蕭茂先得雄

未聽啼聲骨已奇桂林安取野棠枝老髯嗜學初心

在刺備箱書付阿宜

滿紙新詩羨寧馨慰心尤喜老來情壽兒此去如春

筍玉郎亭、脫錦綉

夏夜

野雲明處電飛光海緯青浮落日黃想得近山多雨

過滿庭風竹月波涼

夢中賦月燈詩

風外筠竿倚暮烟忽驚羣日帝堯年天公兩眼何常

暗底用分光照一偏

遊泰山雜詩

胚融萬化羣龍首丘垤諸山五岳宗茂陵誕荒謔後

世岱神何意望東封

祖龍東巡擅雄豪天門風雨幾遁逃虞帝不來天自

老秦碑空倚禪壇高

衆山迤邐朝西東帝孫突出天之中巨靈不劈蒼崖

斷雖有絕頂誰能通

何年氣母此融結大小天門五十盤三峰自是神明

觀漢、陰風走石壇

岱宗岩、靈氣宅雲烟物外爭新奇世事必難有如

此吾欲入海從安期

縮茁元氣通滄海霧湧雲蒸一水山五十連城望霖

雨少分餘潤到人間

卷三十四

萬壑瑤林映碧崖雲間三頃鬱霄臺摩挲御帳殘松  
 樹曾見秦皇漢武來  
 路從御帳北艱屯松頂雲癡日脚昏上盡曲盤十八  
 折仰看猶自有天門  
 盜胸滄鬱陰雲生行出天門路漸平脚力有餘中頂  
 近徘徊應為紀山銘  
 朝暎爛、烘層巖天門直下屯蒼烟乾坤故為作開  
 闔世界幻入兜羅天  
 何限詩人不克登杖藜直到最高層壁間速即留題  
 去雲起封中冷不勝  
 東山何高四十里萬古通天只一門不知洞府深幾  
 許宿雲無數儘雄吞

雄觀駭絕東溟日逸駕高於北海鵬更看山靈出奇  
 貨千岩蒼雪玉稜層  
 雪林虎跡過新蹄石磴雲霾步、低多謝山靈相擁  
 護一杯無事到中溪  
 中溪神祠名在山門口

贈相者李吉甫

仙機分自洞中春閱盡長安市上人留取神光半背  
 上渠要其着眼過天津

跋豐稔還鄉圖

廟堂真宰拜姚崇斗米三錢四海同今日太平應有  
 象畫家消息恐難工

過邯鄲

層臺高與暮雲齊全趙河山入望低貪和野花雙塔

向夕陽又下故城西

我自驅車下門九眼中襄國動吟魂從教兩鬢渾如

雪猶喜歸來故步存

黃梁夢短不須驚滿馬紅塵過趙城獨上荒臺重惆

悵野烟無處認温明

題雪谷早行圖

頭痛風災萬里程行人何限把雙旌犯寒休訝征車

新店看山望京樓

喜入関南百里川朔風邊雪頓醒然夕陽欲下蒼烟

起者盡西南破墨山

秋雨靖山道中

一重一掩吾肺腑老雨荒山記北還人在碧烟深澗

底仰看元氣擁雲間

酌百泉水

去時蘭佩惹春烟歸日羸駝跨敗韉賴有百門山下

水療饑猶可度終年

偶書

却卿持節使江皋子勉翱翔主御曹我幸閉門無一

事醉餐秋菊讀離騷

跋司馬温公燕處圖

獨樂園深百草香一編心與道相忘不妨卧老琴書

裏破散青苗有百章

道與晴雲任卷舒心存廊廟跡江湖石君被譴公孫

死轉愧先生燕處圖  
擁馬留公作帝歲  
人心大抵是天心  
惠卿未死舒王  
在一集傳家了古今

壬戌歲除夜  
坐久虛窓夜氣澄  
未容心事淡於水  
滿襟忠血傷時  
淚一點清光教子燈

春風萬里圖

人間塵土日紛拏  
流水空山半落花  
自是道心游物  
外不須誇誕說流沙

蓮社圖二首

人間廬阜東南勝  
兩晉名流最賞音  
阿麟因之出新  
意秋香和月馮東林

鬢絲禪榻喜相同  
詩在秋香  
客不隨江月照還空

千古風流社中

跋滄江待渡圖

朝醉新菑暮錦鱗  
一篙獨占上游行  
且休熟睡秋蓬  
底無限津頭望濟人  
隆中高卧耻為邦  
雪裏呼船渡晚江  
看舊幾人堪悟  
語徑須特訪鹿門龐

贈別王晉卿

漢署千官列鴈行  
九天獨被繡衣光  
布衣自笑題詩  
客空抱澄清望八荒  
青鎖仙郎被服新  
寵光千丈爛盈門  
何時得侍紅雲  
表竭節同酬一命恩

卷三十四  
劍履翩跹北歸秋衾日夜夢彤幃長楊輦路都門柳  
恰及飛花點繡衣

挽蘭同知進之

留心藥籠緣多病歷任鄰藩便暮年回首西州門外  
道偃然長寢兩相捐  
行年六十不為沃貳政三州有足稱伯道有見終抱  
恨夜寔無及讀書燈  
一丘黃土清溪曲三尺蒼髯六十身千古桐鄉遺愛  
在只須秋草卧麒麟  
得調澶淵幾載考自營墓穴已三年幾回對客親曾  
說理近清溪性可便  
翩跹老騎赴征車前日東城別路隅酒榼素箒今寂

寂河山依舊繞黃廬壚

戊辰後正月七日雪

北風一雪麥田空坑谷堆平滿棘叢近日化工無素  
物搃將春色到蒿蓬

戊辰門帖子

安分愛尋蕭遠論廣騷痛讀楚臣辭里人莫訝三冬  
蟄一寸丹心用有時

送劉主簿文遠赴都

仕途坦々駕輕車殆似劉君赴部除不枉洛南温處  
士半生清苦待徵書  
終南捷徑霧荒靄使部銓衡到至公相過不須論出  
處李鷹門卷幾風秋

除官限自三年例計月湏憑一考優聞說

聖皇思治切夢賢無夜不岩幽

貢壁輸琛買煦濡萬言不博一除書秋風雨戒河山

底自把鋤犁計未疎

求官自古近長安格法如應事不難說與磻溪上

史且湏寧耐把魚竿

題薛微之遺安堂

靜思富貴履危機醉人看心死不知愛殺遺安堂上

客此心還與應門期

清樾蘭華百畝陰兩椽精舍倚雲深一鞭春事東風

裏劉表何人識此心

因題前詩偶書

山林長往廟堂居一襲時衣飯兩盂温飽較來均大

槩思尋機穿博頭顱

挽趙教授公淨

目擊冠裳一老儒爭教滄海失遺珠細思晚起山齋

語地下修文事本無

淵源分派大中君偶讀殘碑得古文河潤祇能霑再

世不須回首愴蒿焮

儒林游戲入禪閑晚節浮沉里社間異日衛人徵故

事為公援例取香山

辛苦生平篆刻勞也霑汀草亂春袍有兒不拜中郎

業却是先生一着高

是非到蓋棺誤身無似戴儒冠蒼涼一片共山

月照徹先生首宿盤  
生理蕭條奈老何  
春風着處是行窩  
哀歌偶及生存  
事却恐羊曇淚更多  
因著圖經大起予  
發揚潛德到幽墟  
案頭幾卷遺編  
在愛惜過於汲冢書  
時予作汲冢編甚詳見贈故云  
跋申達夫藍采和扇頭  
一踏高歌了世緣  
春風兩袖地行仙  
無端忙殺癡兒  
筆貫朽都未有幾錢

謁梁太師王彥章祠  
太師祠廟汶城西塚上  
繫之日漸低  
唯有英聲消不  
得至今高與泰山齊

雨後溪田即事

朝來一雨曙光微  
高樹涼多露未晞  
喜約老農來看稼  
不辭霑濕芰荷衣

清寒墟落漲秋濤  
溪上行吟樂已陶  
洞口未容烟鎖斷  
更須時上武陵舸

平明新漲復溪痕  
曉月搖光映棘門  
騷客不愁漁箔短  
縱教魚鱉長見孫

三年耕養一經通  
水旱豐凶更在中  
貢法不來神聽遠  
此生窮達仰天公

種樹書殘倚釣竿  
日長微暑喜清寒  
華堂去水無多地  
雙足時來踏碧瀾

錄役者語  
十人供役二三廻  
困似車輪半道摧  
眼底去留生死

隔爭如先作陌頭灰  
士戰何年是了期為王從此不知疲一門親削宣尼  
筆為國勞民貴有時  
一夫詛祭九魂知護我南行爾亦歸惆悵桑乾河畔  
月至今寒影慘無輝

或云河南役夫既罷歸九者皆歿其一負  
衆骨而西渡瀘溝因祭而祝曰今汝等既  
歿我幸獨全抱汝骨以歸汝等有靈當佑  
我使與汝父母妻子行相見也其人前次  
范陽亦病死  
工無役鬼必勤民萬雉功成歲月因從古有庸三日  
止未聞膏血化灰塵

今春疫氣是天災百日為期力儘能三尺席菴連雨  
夜杵聲終歇哭聲未

火中渙汗土中蘇却被車轟殞半途六月炎風一千  
里大河南北看巢居

病困骸苦自知休叮囑同行瘞故丘父母祇知安健  
在計程今日過瀘溝

父来接子值同途欲話渠儂涕泗俱昨日道邊因困  
卧不知今日有還無

病軀甫瘥須扶護趁伴貪程日夜奔大半殞遺多為  
此故鄉歸去有殘魂

蕩：王城玉削裁青山三面壯圖開興功計產能中  
止狼藉春風一露臺



數口為家尚聚廬一王經野古良圖限期百日非為  
遠部役羣工事大勦

觀風浪中回舟

風蕩輕舟一葉迴望中掀舞碧濤堆舟人若解臨觀  
恐迂緩甘從遠道來

清溪晚眺

洲渚橫陳水退餘兩行風柳映菰蒲暝烟誰踏扁舟  
去望際漁燈一點孤

題陳德秀東臺手卷

井落星躔一炬殘市門留入畫圖看祇應千載東臺  
月長照鄉人說社壇

至元戊辰應聘憲臺留別淇上諸公夢中得

金馬門中金馬臣銅駝巷陌歲華新閒雲也被風吹  
散去作千門萬戶春

竹林幽隱圖

西晉風流號七賢筆床茶竈共林烟稽琴響絕千年  
後喜見清風一再傳

清時有味此閒身不可一日無此君着脚歲寒堂上  
去秋風門外葉繽紛

蘇嶺桑麻社曲田歲寒誰似見君賢鳴歌不種南山  
豆千畝風烟學渭川

肯賢愛竹與竹友出處總得高人名令人未著林頭  
林

寂里社歸來畫錦榮

共城瀟洒似江南萬竹幽棲老所堪李沆似為諸子

計北山先掃讀書龕  
烟雨溪南百畝春  
盡將清景屬閒身  
河山不隔黃墟  
斷却恐功名老逼人

春夜獨坐

讀書聲歇燭華殘  
潤入琴絃覺夜寒  
寂寞小窗雲影  
薄隔簾梧葉雨聲乾

仙遊曲五絕

春山雲白紫芝肥  
歲歲征駢動漢儀  
政自修身傳治

本不緣幽睡試布夷

鶴護龍香醮夜壇  
露桃花影記驂鸞  
碧雲暮合秋空

迥石上清風漠漠寒

庭竹無人綠滿窗  
幽香和露濕寬幢  
日長孤絕壇邊

鶴啄徧晴苔影一雙

漢家拜望竹宮壇  
環珮聲沉碧落寒  
遙憶受釐宣室

夜一言前席萬方安

金簡朝元擁玉華  
碧壺香滿謫仙家  
石壇冷挂銀潢

水會待秋風送客槎

六度寺

荒村到寺總三里  
古屋懸崖廢幾間  
從此重經題品  
過衛人方識有壇山

山下石田百畝餘  
子孫眷戀祖來居  
向人爭說新官

好二稅輸來雜泛無

紫紆一水蟠深澗  
野叟何知說太公  
壇下古碑堪晤

語犬書深刻太康中

太行東麓太公泉，喬木蒼烟擁壞垣。千載祇應尊有德，不須深泥竹書言。  
老鶻舖雛百丈崖，羽毛終鶻獵人來。孤懷宇落風埃底，何處呼鷹是故臺。  
聖泉流潤過南村，共說來年雨水勻。山若有靈能假手，六花先壓壠頭塵。  
支撐佛宇老風烟，歲月仍題聖曆年。零落亂山終悵望，捫蘿應欠入香泉。  
先子能聲以吏聞，生平遊戲見詩文。遺書忽入孤兒眼，淚洒西山日暮雲。  
鷹揚來自鎬函西，草木荒山壁壘低。賈食解牛真妄說，斲碑明指是殷溪。

山中宿麥苦無多，喜見團科際兩坡。縱未庸收終有望，入城容易揭差科。

同劉勸農彦和葛縣令祐之遊蒼谷口

四山遮盡外來風，山崦人家不覺冬。獨立蒼崖重回首，山形渾似入居庸。  
夕陽西下暮山稠，崖下蒼池似炭湫。把釣不愁雷火出品題，應為此山留。  
近山風俗果溫純，知有從來縣令尊。隆老杖扶爭致語，不嫌山野過柴門。  
山神說是宰公身，野老爭來話本因。採玉得仙俱恍惚，至今功利及斯民。  
九龍分部中天雨，何處癡蟠睡不開。一勻鳳凰山下

水有時風雨洗天來  
 方山忽斷兩崖開  
 中有蒼河自北來  
 行出山門俱不見  
 見玉龍翻作地中雷  
 不須犀火嗽蒼灣  
 萬古幽陰鬼所窠  
 山下黃塵三百丈  
 巢居安忍插天山  
 地爐火在壁燈昏  
 睡覺山堂笑語溫  
 豆粥一盂官事了  
 緩搖吟轡出山門  
 贈星斗客冷景發  
 六甲星躔入苦心  
 術窮滄海別穿深  
 滕王閣上三盃酒  
 曾博相如換賦金  
 萬類芸芸固不齊  
 一推能盡未來機  
 向渠待福早晚台  
 光映紫微

炯：雙瞳楚語紛  
 闖懷陰穿失崖根  
 坡仙有句堪書贈  
 醉裏微言更近真  
 有命何曾論智愚  
 班超備筆衛青奴  
 自從遇着洪都客  
 豁得胸中俊氣無  
 半生心事苦蹉跎  
 其柰胸中不朽何  
 鳧鶴短長俱有數  
 魯鄉三昧聖之和

遊霖落山雜詩

東山削出翠芙蓉  
 西壑砒研貯雪風  
 人說魏王曾避暑  
 殿基猶是舊離宮  
 隆從悲臺倚寺西  
 山空留在舊禪扉  
 老猿叫月蒼烟去  
 曾伴山僧夜半歸  
 青山斷處塔層層  
 廢殿臨崖枕虎形  
 千丈畫屏宜晚

對野烟飛去助空青  
絕磴穿雲老蘚蒼  
捫蘿行到贊公房  
寶香冷徹華嚴  
壁木客猶誇夜有光  
滴乳岩前挂瀑流  
青林飛洒動高秋  
玉龍躍入青冥  
去堆疊蒼烟萬壑愁

秋澗先生大全文集卷第二十四

二十三日燈下校

秋澗先生大全文集卷第二十五

七言絕句

五年夏四月朔日即事

朝衣締暮綿  
裘氣運天和  
不自由吹損  
綠陰風不定  
晚來庭院似深秋

贈周幹臣

槐府潭、吏隱周青衫  
騎馬亦風流入門  
休問生涯事  
讀罷離騷待菊秋

題風雨回舟圖

江雨江烟萬里秋  
幾年汗漫事長游  
憐君已落風波裏  
只恐回舟不自由

題王武子觀馬圖

玉華吹散滿身雲，掣電追風隱駿奔。  
好尚祇誇毛骨異，不思戎馬在東門。

題李伯時所畫開元御馬圖

閱武驪山是近游，霜蹄蹴踏厭長楸。  
料應扈從東封了，一片烟雲赤岸秋。

題山堂會琴圖

靜夜山堂萬籟沉，抱琴未泄古人心。  
個中真趣知誰會，門外松風是賞音。

聖賢思治先琴事，子賤為邦舜臯民。  
莫訝松軒未會數，要從心指起經綸。

寄潞尹侯伯祿

分携不及都門別，情話長懷午夜燈。  
蘭省未妨虛儉

幕郡人爭喜識黃丞

太行絕頂潞州城，竹馬兒童遠見迎。  
聞說下車公事簡，不勞衙鼓報新聲。

題李伯時畫支遁觀馬圖

晉人大槩尚虛談，外物遷移等狗貧。  
千丈神光渠自有，却將風駿馬中滕。

金城店

麻葉翻風稻映畦，道邊垂柳蔭橫溪。  
一竿青旆誰家酒，金店東頭野約西。

金城懷古

典午能延避，迨生柘弓銀研未忘情。  
較量成濟揮戈慘，天道中還固未平。

絳陽道中

山自南來兩翼開分岡橫巨隅金臺伯宗驅傳無輕  
去聽取與人論絳災

絳州公解即事

終朝據案訊繫囚日暗風淒動鬼幽草黯池荒人不  
見絳紗燈影看懸流

河東池館絳園優才守豪王樂讌遊興

見斛王祠畔暮山稠

挈鷺提鷗次第開碧園丹障鎖重臺而今一炬成焦

土却似汚宮為世哀

樊守文章世已驚富公遺愛遠

水假借羣蛙徹夜鳴

鼓水西來竇北墉絳園形勝日增雄依稀菴畫樓臺

影猶在瑤翻碧漱中

水聲激枕邊來卧看倡池碧鑑開三尺短碑樊記

在苦無多意發雄猜

莽望黃原勢决天驚驂南走削孤顛東臺何限消沉

意目送汾流落日邊

讀絳陽園池記

樊守文章未易窺艱深宜被後人譏一言能盡興衰

理愛殺當年李格非周孔文章載道輒定刑元自典謨留不知魁紀操觚

意地絕天通孰與儔

題斛律王廟壁

玉壁威騰却日戈，飛搖其奈伯升歌。須知地下陂陀血氣壓，南山翠不磨。

祝融堆廩表韓公，神理雖冥正可通。自愧不求才，亦蒙險相誘愚衷。

過絳州北哺饑坂  
晉趙宣子飯靈輒

釣采華名世有人，微勞高擬泰山勲。此心報德誠堪尚，事了身名兩不聞。

血肉熬牙白，晝寒挾輪未脫。趙卿艱悠，鶴蓋陰中子。高揖清風，恐厚顏。

晉國平時有殍夫，趙宣為政果何如。哺飢坡下重回首，一飯酬恩寔起予。

題夏當務壁

村落人家柳比稠，平時分水細為籌。朝來一雨郊原足，門外長溝滿意流。

龍祠禱雨

中岸烏紗角半推，馬蹄泥滑晚相催。罷人莫訝麻衣濕，適自龍祠禱雨回。

禱雨龍祠訪張總判不遇因題其壁

甲第分携半月餘，遠回相過得須臾。松陰滿院溪流碧，辜負臨風一捋鬚。

登白雲樓

百日區區薄領間，白雲樓閣幾憑欄。秋來政有西山爽，兩度還容拄笏看。

山沈雲高暑退初，葛紋如水葛衣疎。邇來郡府無多



事卧對西山把性書

贈墨卿秦得真

壯心零落羽林槍老刺玄圭入退藏為報鳳池之上

客不應神品擅潘張

麝團小印柳枝龍不減唐人入漆工留得玉堂揮翰

日桂香欄檻聽松風聽一作泛

秋望

客憲十日雨聲中雲影朝來綻碧空不上西樓能幾

日滿城黃葉動西風

題于猷山陰圖

閉門一雪天地白乘興即上山陰船愛然此君真率

意至今人境兩備然

自嘲

踏月聞鷄出罷齋逐朝撾鼓放衙來盤三晉河山

地兵賦民情使汝諧

自壽

二年岱頂富奇觀今歲姑山對霧鬢笑拂巖花指歸

路黃塵深處是人間

待旦軒假寐而作

待旦軒虛曙色分瓦爐煙煖有餘薰細思日用無多

事一靜能消萬有紛

題永安刁氏別墅壁

一川百頃數家邨瓊嶺重岡擁澗根樹藝自勤民自

儉勸民冠蓋不須傾

南崖刻畫似城闉北勢耕桑聚落勻所願廟堂論至  
理萬方風俗再還醇

聚遠亭刁氏別墅

壁間題示墨猶新聚遠軒中入幕賓還喜昔人風土  
舊一邨名姓似朱陳

英武王馬燧廟

西平吳氣凜如生千古精忠勒御名過客賦詩增感  
激北風原上鼓鼙聲  
奔鯨吹浪蕩蒲津堂上竒兵美已神老賊垂降還赴  
台比量先軫乃純臣

汾睢懷古三首

坤倪三面削蒼崖中擁汾睢寶氣開夫道老槐君莫

訝虬枝曾拂漢旗來

武皇誇大喜雄為鼎出汾陰恐事竒更著壽王相媿

媚守經深見漢儒卑

東封泰岱西汾陰始自羸劉好侈心只為一非無所

格儘令方士出妖淫

過聞喜縣有懷元鼎故事

窮兵無似漢皇雄六合為家意未克一喜政能留故  
事舞干終愧有虞風

過太寧宮

披雲臺晚野煙荒宮掖坊深半夕陽獨有太寧祠畔  
土碧花猶自學宮粧

安邑道中

匡墻煙火暮微茫樂歲人家半朱糠漢至孝文終四  
葉便能三萬里農桑

謁司馬溫公墓

河山兩界夏西分孕秀鍾靈產異人可惜秉鈞終八  
月不教仁澤浸生民

鳴條山遠聳孤墳千古嵩高仰甫申有意誕彌無實  
用竟將新法逐諛臣

遊棲巖寺七絕

上盡雲間十二盤一杯松下散襟顏老僧近晚堅留  
客爭指西南見華山

河山形勝見棲巖萬壑秋聲度碧杉奇絕此遊還有  
恨杖藜不到冷雲菴

翠岩迴抱鬱蒼絕境軒橫杳靄間老矣瑞峯應健  
在護持長伴小龍閒

宇文周末年大禁釋教有曇延師者過隱北山久

之有樵叟日來聽經后師道成復有七人者來師  
問故曰余八人皆龍也其一已傳師教故余等亦

來受戒

一徑縈紆入杳冥望川亭迥夕陽明欲知眼界寬多  
少故出秦川似掌平

層巖重倚尚斜陽山下風煙一漫蒼恨然愛山王老  
子不來同宿贊公房

暮烟遮斷嶽蓮青低壓河流一線明已被山靈嫌俗  
駕更堪留榜彥倫名

安然乘馬到烟蘿一笑山間對鳥窠詩句滿前拈不  
得一作風煙還比石樓多鐘聲出谷尚依、穩送詩人帶暝歸自笑野猿山鳥  
性夜深幽夢到岩扉跋提刑王副使航海圖天險無踰海與江得人一葦即能航懸知恢廓高宗  
志夢繞商岩夜月蒼鯨翻鼉作大江流舟楫顛危明棹謳忽展畫圖還自  
悟當年風雨過封丘遊普救寺晚寺人歸憶會真夢雲花氣鎖窓春重簾不隔西廂  
月一點香來是襪塵

讀破口先事迹

釋氏功夫向上尋一身歸寂雪山陰片言能脫盈城  
命少似先公濟物心

贈船蓬姚道人

一龕塊坐已忘身陸海船蓬別有春却為梨花枝上  
雪等閒踏破綠苔茵

臨晉道中

野雪晴消滿道泥茫茫銀海際烟霏日斜信馬中條  
北愛煞光光照客衣

春雪

小雪霏微不滿空亂穿庭樹舞春風餘威似掣調元  
肘不與東皇擅化工

曳龜圖

取說瀾翻已自欺更堪身世兩相遺抱麟痛為東周  
泣爭遣宣尼不及時

公堂午吏散一首

吏散公庭日轉西蟻旋蜂靜閑無時人無定志常居  
遠悄孤懷祇自知

清明後一日作

里巷春逢聞鈿車午窓睡起日西斜閒書讀罷焚香  
坐淡對一枝山杏花

卧數窓檉對日燠一簾晴影弄游塵隣墻幾片桃花  
雨點破苔堦更可人

懊惱春惊困宿醒偶隨游子到溪亭多情幾樹城南

柳三度春風見汝青

跋李提點和甫筠溪亭

和甫開封人早年應神童

碧鮮庭戶玉琤琮影透疎簾翠幾重中有道人高節  
在青初不易秋冬  
洗身無煩近穎川虛心獨愛此君賢何時拄杖敲門  
去讀罷離騷聽夜泉

題鄆縣簿雷損之景程齋詩卷

道統幾微孰繼傳景程還得此名賢須知二帝三王  
事要似仁和民愛物先

理窟名言婉典墳發源伊洛見經綸千年鄆杜遺風  
在史着雷卿繼後塵

題田使者玉泉垂釣圖

渭水應未兆，非熊底是胷。蟠萬丈虹，辨與澄湖三百。

頃一絲斜，裊綠楊風。挽平陽教授，崔君度。心醉羣經四十年，老成身後見波瀾。蒼涼一片姑山月，空照先生首着盤。

孟浩然灞橋圖  
金鑿消息遠，相招雪滿吟。鞍過灞橋處，士本無經世志。強將詩句，杜清朝。

高鳳漂麥圖  
疾雷破柱，雨翻盆。甄墮何煩顧，惜頻倘為把書都不省。先生應是太癡人。

跋蘇武持節圖

使華往返，見交兵老。我何嘗繫重輕，已分橫身膏草野。茂陵松柏，夢秋聲。

君臣義合，以忠持十九年間。節可知，邂逅論詩幾侮。玩區區，總得典諸夷。

兩行衰淚，血沾襟一節。酌恩北海深，衛律有知慙。即死更來游說，此何心。

慶趙汲古八秩之壽 效樂天體

人生八十，今極壽。況復兒孫滿眼前，汲古園中趙夫。子燕京城裏，地行仙。

摩挲金狄門前客，精健者英會裏人。坐對天津橋畔月，池塘春草幾回新。

崇慶初年縈組綬至元八載厚康寧人間八秩風流  
事無似君家種德馨

下無京加至元辛未歲八月十二日拉馬都事才卿  
入主八十遊韓氏南莊歸效樂天體得詩十絕皆書  
目前所見覺信手拈來也

開門不問主人無幽鳥呼來應竹呼僮僕已知賓客  
敬與奴白飯馬青蕪  
吟邊踏破綠苔階自挂幽軒數菊栽半日杖藜橫膝  
坐絕勝前日醉歌來  
浮雲冠蓋六街塵老盡朱顏白髮新贏得身心兩間  
在水邊林下果何人  
滿庭竹影鎖秋烟倒盡池蓮細一菊斑牆外綠畦澆已

徧莫園陽搖影秋老桔槔間

爾此間休遣世人知話淡忘機山鳥山花笑我痴萬事看來皆偶

亭臺涼吹晚留連樹遠岡回自一川野菽未霜溪柳  
盡烟花渾是早秋天

陶園松菊餘秋色趙氏林亭滿夕霏人自晚年便靜  
暇每來吟賞便忘歸

溪雲烟樹事幽尋指點平蕪起醉吟但使眼前無俗  
子一杯時與野人斟

醉墨淋漓字半斜枉將霜壁亂雲遮一杯先洗黃泥  
瘴似我閒情遠世譚

蛙鳴水底強為聲酒盡沙頭卧玉餅我自近來無不

是白雲舒卷暮山青

裴晉公綠野探梅圖息軒筆

淮西平一兩河清綠野梅花照眼明霜髮未容閒裏

老南枝消息要和羹

當年韓白兩詞人吟賞天教在相門邂逅有詩窮勝

事最憐疎影月黃昏

東臯八咏為趙參謀題

匏瓜亭

君家匏瓜盡樽羹金玉雖良造用齊為報主人多釀

酒葫蘆從此大家題

幸齋

人生知足一瓢多未老得閒非幸何堪笑矯情楊子

幼嗚：空縱醉時歌

東臯邨

陽春門外望東臯三載相邀醉濁醪早晚回溪：上

路桃花紅雨滿漁舸

耘軒

草盛苗稀苦見侵荷鋤歸晚月生林須知種豆南山

意唯有淵明識此心

遊觀臺

自說無堪不出門一杯藜藿樂閒身就中不負登臨

興滿眼青山是故人

清斯池

塵冠挂後無纓濯漁父從歌濁與清待與田家占水



早年三池上聽蛙聲

流憩園

養素丘園趣已成斜陽林影看春耕手中三尺枯藤  
杖不羨人間六印榮

歸雲臺

從龍致雨固油然巖壑歸飛意本閒况是東臯已沾  
足不妨來伴宿簷間

夢中又賦開元御馬圖

毛龍天降馭龍韜歷塊過都乃爾曹安得錦韉三萬  
騎冷浮秋水下江皋

予寓舍前有所謂水官珠者客曰此即蕙  
苾也因呼兒採實作詩以識之

堂前蕙苾因人悟不處嫌疑至言豈獨菲萋成貝  
錦令人還撼伏波寬

讀開元雜事

水殿涼多暑氣微薰風華萼正相輝爭教明月梨花  
院玉笛聲長到枕幃  
興慶宮池景氣深薰然四海友于心讓皇篤愛情尤  
切力為君王辨八音  
海棠紅綴棣華零樂裏西涼已變深總把大衾長枕  
夢老天移魄入華清

歸去來圖

長沙勲業武侯忠劉宋規摹操懿雄虜焰儘烘寰宇  
裂五株楊柳自春風

彭澤遺黎不幸何斜川魚鳥共婆娑先生踐迹高千  
古不似終南捷徑多  
解綬歸來百日強東籬松菊未全荒細觀歷贊高賢  
傳一出頭來恨已長

煮茶

枯腸拍塞貯春雲洗盡囂煩六腑昏山木策勲存夜  
氣天河流潤下崑崙  
胃中宿酒闕殘兵一椀澆未敵陣平濛項得仙疑安  
語月波千丈與詩清  
瀟灑風雪薄虛窓細貯槍旗煮夜缸若論廓清真武  
事一天幽思為詩降

四皓圖

羽翼橫飛四皓鴻楚歌悲絕趙王宮高皇英睿商賢  
節俱墮留侯計畫中  
萬古規模一漢皇保全  
綺出自留侯畏呂強  
母后捨儻王商山邂逅招園

題楊息軒盤谷圖

石峪盤：百畝萬野煙秋色淡林皋雄文一出潮陽  
筆頓覺山人索價高

關山秋霽圖

望京樓上晚凭欄常記居庸八月還一段紫烟吟不  
盡枉分秋色與南山  
生平懷霽是初心捲盡江山萬里陰十載夕佳亭上  
客卷中還對玉卮吟

寧戚叩角圖

舜授堯傳老不逢商歌愁絕國門東小哉恨煞夷吾  
器竟列齊桓五霸中

五王避暑圖

翠幄留香郁棣華紅雲縈暖鶴鳴沙豆箕不免陳思  
嘆朱李寒泉是浪誇

蓮鳥窺魚圖

嘴距初非搏擊流翠香深處樂清幽游魚何限相吞  
噬祇得臨風一瞪休

門帖子

廩食京華兩見春全家飽暖荷深恩自慙補報應無  
地夢到青蒲白獸尊

題袁安卧雪圖

曲突無烟雪擁闕引書高卧自怡顏須知四世三公  
業不在人情冷暖間

突不烟點雪擁扉一編義易療朝饑火城莫羨沙堤  
相論士當觀未遇時

窮巷無人與叩關長安風雪一寒冢挺然不為飢驅  
去肯逐時人作熟官

題顯宗承華殿墨戲

大青小青兩龍種承華墨戲真天人春思欲見昇平  
事立仗歸來不動塵

題東海徐白魚

點額雷燒不到渠相忘何必在江湖細吹藻荇克饑

了兩頷腥涎儘自濡

酌祭宋先生于岳六首

山立揚休七十春間中今古醉中真傷心麗澤堂前  
月空照先生澆酒中  
一代波瀾獨老成百年人物見耆英茂陵身後多遺  
藁一賦梅花到廣平  
我識空澄海印心生平游戲在禪林寶珠儘照青藜  
杖雅韻先空綠綺琴  
玉堂仙去渺翩翩冷落閉梅花樹下禪疇昔過庭言在  
身炷香傾酒大蘇前  
水映林亭竹映山四時風景樂天閒一從零落丘山  
夢頓覺風光向客慳

酒榼詩筒白玉珂春風到處是行窩百年愛仰都人  
士哀比羊曇淚更多

跋龍陽松隱圖

學君象教別穿深又向龍陽得洗心前日小山叢桂  
客不煩春草賦歸吟

承華殿墨戲圖

天廡雲屯八尺龍總輸神駿付青宮細看絕電流雲  
筆天寶諸王恐未工  
主人愛馬憐神駿一骨千金十襲藏却恐雷霆還下  
取九重天上看龍驤

感寓

逢人驚問但慙然自信文章老益堅未坐癡林一千

日恰如無事草鞋禪

至元七年十月廿二日過順州與梁御史  
話金節侯剛忠王公子明死節事馬上為  
賦此詩以弔州舊治唐歸順州見大曆五  
年試太子洗馬鄭宣力所撰開元寺碑  
雉堞蜿蜒隱塊城剛忠於此歿天兵十年英氣如生  
在草木風前動戰聲

題趙仲器銅芝膽瓶滴

陂陀金背兩眉蘇不屬官池與研居老筆策勲餘潤  
在一生何啻五車書  
足跡蹒跚几研間太陰何苦汝為餐寸腸不磔盧仝  
鐵更吐陰寒上筆端

題張夢卿雙清圖

月影冰魂奪化工持鬚直是不煩公漫山正有閒桃  
李爛熳春風幾日紅  
花光品格黃華筆一段風流付後人誰為九衢塵坐  
底兩枝搖蕩浙江春  
淡粧疎影兩依心點綴橫斜畫總宜恰似孤山籬落  
畔小溪如練月如眉

王右丞輞川圖

騷客禪談意未央歌湖煙月墮微茫園林鐘鼓清時  
樂好個裴公綠野堂  
狀物何如及物功開元真宰說姚崇未妨僦屋招提  
裏斗米三錢四海同

凝碧池邊野鹿過空垂雙泣賦悲歌論忠不到平原  
列馳譽丹青未足多其年歸山未改謝靈運詩  
文采風流映一時丹青三昧有餘師戲將萬斛歌湖  
水寫盡南山五字詩陶淵明詩

遷張氏新居四首

我自三遷到巽隅市朝雖近似郊居東隣有竇西鄰  
許不羨門多長者車謝靈運詩  
院靜憲虛淑景閒戎葵凝笑海榴丹莫令兒輩輕傷  
折為與渠儂理一般謝靈運詩  
聽雪思堂與筆耕主人寓意強為名錙銖得及斯民  
了日出何方事又生謝靈運詩  
羞將勲業鏡中看不為無魚動鉞彈兩鬢總隨霜簡

白寸心虛傍日華丹

題秋江月夜摘阮圖

玄壁朱絃激烈聞縱橫詞古得儀秦忘言何似陶元  
亮直作羲皇向上人  
易水悲風動急彈小絃鏗爾摘銅丸多應一片松梢  
月併入茅亭作夜寒

闕下元日口號五首

簡班春伏簇初齊贊馬行牽望拜時臘雪未消雙鳳  
瓦春風先到萬年枝謝靈運詩  
平明瑞雪滿蓬萊島樹瓊第花次第開人在建章馳  
道外四邊鞍馬唱歌來謝靈運詩  
建章宮樹玉嶙峋雲近蓬萊氣自春帳殿忽開齊舞

誦紫衣獨見海東人  
春前移仗島東邊  
大禮稱觴最重年  
何幸小臣陪虎  
拜一杯春露共瞻天  
千官錫宴瞻天喜  
萬里休兵立仗閒  
擬效堯封三獻  
祝太平  
天子壽南山

魏豹故城  
戲一笑長驅過故城  
姪還作漢儀程  
事機倚仗真相

丘壘依稀井幹殘  
人家烟火甫兵還  
就中不負官曹  
眼簿領堂前坐看山

再過絳陽

二年三度過金臺  
盛夏初寒不悻懷  
卧聽水聲何所  
憶一軒秋雨竹間來

夜宿李氏林館

困眠歌枕未容休  
睡起關心事最幽  
鷓鴣一聲寔色  
曙月明滿地綠陰稠

禹廟

大地河山繡錯明  
野烟孤廟枕荒城  
杜鵑饒舌知何  
事血洒東風怨未平

路村道中

鹽澤條山動寵光  
天書來坼紫泥香  
老癯扶杖欣相  
告五十年來未省嘗

解州廳壁題示

至元癸酉五月二十三日奉宣

明詔至於解梁因得王貴州壁間所題

解池詩序云鹽池之大自唐以來凡臨

蒞者無一辭以紀勝槩觀覽之際憤然

成章或繼之者寔自予始僕竊有所感

焉因勉成三詩以附驥尾之末庶幾因

公而使天下知有惲云偕來者府兵

曹解楨子公孺侍行承直郎平陽總判

汝郡王惲題

物色分留付後人暗將風雅欲誰親  
穢尚友何妨繼後塵

日融池面爛生紅更看南山障碧空  
洗州人說是廣南風

解梁城下解鹽池萬寶騰光奪目暉  
窟乳泉一賦了天機

題平正縣鋪樓壁

盤：峻嶺上青山兩度南來點鋪翻  
致此回霜髮又加繁

秋澗先生大全文集卷第二十五



秋澗先生大全文集卷第二十六

七言絕句

華岳廟留題

朝來松檜重烟霏  
仰面蓮峯翠撲衣  
自笑愛山心不足  
日斜猶未駐征騑

祠前喬木老輪囷

闕盡長安道上人  
千古倚空仙掌在

欽定四庫全書

此卷從文淵閣本鈔補行款全異今仍用元刻本校定

秋澗集卷二十六

元 王惲 撰

秋澗先生大全文集卷第二十六

華岳廟留題

朝來松檜重烟霏  
仰面蓮峯翠撲衣  
自笑愛山心不足

日斜猶未駐征騑

祠前喬木老輪囷  
闕盡長安道上人  
千古倚空仙掌在

好為回首障兵塵  
蓮峯卓拔見雄尊  
千劫孤撐碧玉盆  
總被少陵收拾却  
諸山羅列似兒孫  
垂崖一出著高勳  
回首猶慙華頂雲  
應笑豹林种處士  
擬將虛譽售時君

東登岱頂雪彌空  
上徹中封似不逢  
應喜此行何吝啟  
青天白日對三峯

渡渭有感

當年尚父欲誰親  
八十西來釣渭濱  
馬上行人應未老  
莫教虛負百年身  
秦亡漢起兩悠悠  
總把興亡入海流  
汀樹岸花三百曲  
烟波都屬釣魚舟

安邑道中

六合雲蒸一氣埋  
際空秋稼委枯荑  
馬頭赤日疑無色  
望際青林雨氣來

洪洞道中望霍岳諸峯

老澗灣環兩翼分一川草木氣如薰土人更說山靈異  
欲雨先占霧頂雲

留題霍岳

喜遂平時景霍心適逢巖祀一登雲臨感通回魏潮陽華  
霧雨重開萬壑陰

山腰明霽靜烟霏岳頂濛雲淡欲飛岩壑似供詩筆健  
法身都掛六銖衣

題豫讓橋

死堅鐵石表孤忠一水曾踏萬丈虹太史著書隨俠例  
豈知風義本無同

過蓋昌橋

盤盤危磴轉山腰下瞰長河漲怒濤霍邑南邊趙城北  
滿頭風雨過昌橋

霍州

四雍中坳一秦牢快心唯有霍山高一條瓠水從中過  
日夜隔城聞怒號

跋范蠡歸湖圖

霸越高勳土苴如五湖歸隱號陶朱扁舟共載西施去  
却恐時人是厚誣

題趙城縣環翠亭

秀色四圍供坐嘯山城終歲早休衙陂塘清淺知秋稻  
畝嶺橫縱看藝麻

簡城南北幾經還赤日紅塵赭背顏歛得解鞍心適喜  
暫容高臥對東山

趙城道中早發

積雨晴來露氣餘風枝成滴草垂珠麻衣半濕溪邊路  
長記郊原五月居

跋宋元章蘆鴈圖

西風萬里下衡水宿雲飛回自雙似為叫羣心事苦  
不教相映睡秋江

烟渚潮空退暮沙依稀寒影落蒹葭何人解化雙飛翼  
拍拍隨君問使華

甲戌歲門帖子

全家溫飽荷恩榮  
闔郡清寧歲屢登  
蟣蟲小臣何所報  
一公之外百無能  
不求富有金成穴  
不羨官崇日九遷  
但願時和身健在  
大家無事過今年

庖舍門帖子

王家供具乳蒸豚  
石氏庖厨蠟代薪  
二者侈荒何足論  
一簞顏巷世歸仁

山市晴嵐

墟落人家半夕暉  
太行天上倚烟霏  
喚回二十年前夢  
共伯城西載酒歸

古栢寒鴉

亂鴉蒼栢晚相依  
流水孤村句未奇  
恰似首陽祠下看  
夕光翻影上枯枝

松蔭寒泉

坐蔭髯龍夢已醒  
更堪幽谷亂泉聲  
遙知綠綺相逢夜

幽思中含太古情

雲竇飛湍

千丈懸淙落碧空霄百岩回望冷瀟瀟若為借得天瓢手

傾向人間救旱苗

蒲中十詠為巖卿師君賦并序

中條山水雄秀照映河華予兩年以事抵蒲畧  
獲遊賞然雲烟勝槩旦夕不去其懷嘗思以教  
語道其髣髴心在而未暇也至元十九年秋九月

蒲人師巖卿拉王國器李仲和張師諸携酒  
過門盃數行袖出錦囊巨軸曰此河中十咏也  
因徵詩予不肖逮明年甲戌正月辛巳予以微  
恙閉閣少休隱几瞑坐神與境會既覺晴日滿  
牕幽思發越眷焉十題卒然而就顧不足發山  
水之清音聊以移方寸而外形骸也且為回老  
人一盧胡云

蒲津晚渡

和漢集  
落日西風送棹謳行人無數立沙頭君看一葉顛危甚  
苦不忙時且少休

舜殿薰風

巖廊瀟灑壓城闈解慍歌殘又幾春一道殿簷涼似水  
至今猶有夢華人

虞坂曉發

鷄聲茅店月微茫山遠行人促曉裝良驥馳憤身自健  
不須拭目認絲楊

首陽晴雪

前冬兩拜首陽祠野雪搖光晚霽時蒼栢滿山人欲去  
亂鴉翻影上枯枝

鶴雀波聲

洶洶河流入斷山馮夷無力障狂瀾乘風破浪他年事  
且挽清雄上筆端

東林夜雨

蕭蕭風雨暗秋山聲滿疎林萬珮環拂曉開門看晴霽

和清集  
白雲依舊伴僧閒

林亭夜月

大內扶君不見人  
野烟碧樹總傷神  
應憐一片林亭月  
曾照司空淚滿巾

王官飛湍

石竇懸流雪練飛  
夜深和月映松扉  
恨予不遇貽溪老  
一笑山間說化機

西巖疊巘

東山如髻鬱重重  
人倚西巖第一峯  
似是晚煙開畫障  
濃揮淡抹鬪丰容

媯汭夕陽

溪痕春漲碧迢迢  
一帶斜陽映野橋  
風土亦涵釐降意  
野花如靨點裙腰

贈蜀真賈生

氣貌昂藏野鶴姿  
賈生模蜀有餘師  
情知不入麒麟畫  
剛為天朝飾羽儀



寄李裕卿

山中風日淡無輝  
山下騰光欲燂衣  
辛苦南州李從事  
三年其奈肉山肥  
交遊過眼日紛紛  
故舊如君有幾人  
岸幘一樽蕭寺月  
此回談笑更情真

過橫望嶺

終日山行不厭山  
出山聊喜慰衰顏  
朝來橫望開頭路  
滿意風煙看落川

澤潞即事雜詩十首

醲恩三接無旬浹  
春日春衣未足多  
沙上歸來聞好語  
誓殫忠力更無佗

裴翁祠晚夕陽催  
野色橫川組練迴  
我教固多多已辦  
不愁歸路碧崔嵬

自古徒兵澤潞雄  
選齊尤見四州公  
堂堂氣與鼙聲壯  
閃閃旗翻日脚紅

獵獵清風偃旆聲  
南風不競此先徵  
朝來小試青油底

一鼓仍驚氣倍增

闐闐風外鼓聲乾，小隊紅牙入細看。自古中原雄莫敵，

麟符准到漢家壇。

萬命安危一將懸，成功端在得人先。長江儘飲天山馬，

節制應須閩外額。

角聲催日上牙城，白羽風清坐閱兵。盾鼻恐煩磨檄墨，

莫教華髮等閒生。

一檄風馳萬有降，天兵開國古無雙。寄聲壁月瓊枝客，

鐵鎖休誇一葦江。

結束征袍總白丁，淮行陰一將便橫行。蕭條此意千年後，

正賴桓文節制明。

嗚嗚殘角過三吹，整整魚麗待一揮。晚涼更覺軍容肅，

露濕朱旗月滿衣。

太嶺道中泉眼并雜詩

路長坡峻一層層，六月行人困鬱蒸。多謝山靈解煩渴，

一泓澄澈冷于冰。

來路蒼蒼不可尋  
山風吹馬下遙岑  
望中斜日行雲掩  
遠嶺橫分一半陰

長松磊落不凡材  
風拂烟霏畫障開  
端似高人在品壑  
苦憊塵土不歸來

千古雄藩入控連  
蕭蕭旌旆莫愁邊  
最憐天壤清涼界

欲買西山二頃田  
潞州為太行清涼境界

太行南走百山門  
崗勢回環淺作盆  
瀟灑綠陰臺館靜  
平時尤見使君尊

過遊仙李節使墳

大定明昌五十年  
當時人物玉堂仙  
朝來書案山前路  
瞥見堂封一慨然

遊青蓮寺

上方層閣倚晴烟  
回合諸峯聳碧蓮  
午枕不容詩夢就  
天風吹雨下危巔

山間一雨衆壑澮  
轉石砰崖聲若雷  
殆似山靈詫清駛  
夜深還到枕邊來

夜過閔嶺山

畫鎖壺關戰氣昏，自環長塹作孤豚。紛紛彼校何為者，  
媿煞新聲欲死言。

夏縣

一縣陰陰夏木清，大賢司馬小賢城。河山依舊英靈在，  
重為生賢作國楨。

虞卿道中

長纓風笠葛衣疎，裝就唐人早發圖。只有才情渾不似，

馬頭吟久却成無。

猗頓道中

玉繩西轉啟明東，熱擁長途似火攻。辛苦平陽王判府，  
三年三伏走蒲中。

跋蘭昌宮圖

宮斜春草暗驪陽，花底春雲覆苑牆。忽覩翠嬰銀勺事，  
世間疑有返魂香。

乙亥歲門帖子

三年判府初無補一寸孤衷老謾丹  
取喜元正即春節  
併將和氣到門闌

李潛宛馬圖

李生鞍馬見金初  
彷彿殊方職貢圖  
今去玉門途萬里  
總隨鞭策入長驅

丙相問牛圖

牛來近地暑光微  
深愧調元相業非  
後世幾人能辨此

海車甘受野人譏

用唐宰相楊再思  
開坊門襪水滄事

謝太傅東山圖

金黎陽李  
公泰筆

鳳沼春開湛綠波  
未容紫竹醉嵒阿  
儘能經濟蒼生不  
七寶裝嚴未是過

秦兵一掃兩淮清  
桓氏微來晉鼎平  
况復中年正多感  
未妨雲壑寄高情

四皓圖

事定歸來舊隱深  
皎然松雪映雲林  
寥寥高誼千年後  
似覺元之最賞音

先生節義重丘山，冠珮遙瞻漢嗣安。莫以隱淪忘世論，一身歸潔果何難。

苦諫臣通已謾為，一書先動紫巖芝。後人只說安劉重，不道留侯策更奇。

顯宗墨竹

離離香粉淡爭妍，莫作荒寒景趣看。絕似承華宮檻畔，春風和露濕闌干。

一枝蒼雪映遼邊，江滿意春烟鎖建章。監國撫軍仁孝在。

不應游藝較蕭郎。

雲溪先生畫像

大定明昌五十年，聲明文物出中天。畫圖一識雲溪老，耆舊風流墮眼前。

訪京師故里

四紀光陰黍一炊，重尋陳迹已都迷。百年風樹悲涼底，更遣朱衣問碧鷄。

秋夕早起

鏡裏顏蒼髻，雲如憂心中。夜轉民區開，門看雨驚連。夕  
堂下秋蘭恐半蕪。

聞方響

時過一第宅

丁東鏗戛碎瓊琳，掩盡朱絃竄眇音。花外粉牆遮不斷，  
珮環清徹洞房深。

壬申門帖子

任運喜尋蕭遠論，廣騷慵擬楚人辭。里兒莫訝三冬蟄，  
一寸丹心用有時。

題王仲通二友亭

冶葉倡條占好春，轉頭紅雨委芳塵。歲寒伴我初心在，  
二友歸來是故人。

得失之間勢利交，脅肩何翅夏畦勞。淡交自得忘言友，  
醉眼螟蛉視二豪。

此君高節對髯龍，雪壓霜封傲晚同。不羨杏梢春意鬧，  
等閒開謝是東風。

酒蠅閑集霑餘漉，火鼠潛趨媚竈炎。誰似歲寒亭上客，

儘將冰雪深吾廡

老眼相看十五年，青青卽操貫時賢。自憐蒲柳非真質，兩鬢秋風久颯然。

題卜隱王君手軸

洛陽織畚王丞相，異事驚逢少室翁。我試問渠曾見否，太平天子夢非熊。

百年人事有乖通，萬彙流形本不同。付與君平都一笑，滿簾紅日落花風。

大易幾微得最神，闔懷陰窅失崖垠。坡仙有句堪書贈，醉裏微言更近真。

有命何嘗論智愚，班超傭筆衛青奴。一從過着知幾客，閒氣胷中一點無。學術源同有淺深，知君龜策入幽尋。自憐一片靈臺月，才並明時被物侵。

題松陰訪古圖

舟橫遠水翻蘭棹，人倚長林諷楚詞。却憶來河南畔路，



松岡晴雪晚遊時  
予壬申冬大雪後曾  
謁司馬相公墳故云

春雲出谷圖

岫雲初出豈無心  
擬向人情作傳霖  
萬壑忽為風散去  
卷舒應見本空陰

看雲曾上入山巔  
淡抹空濛總自然  
似慰幽人怡說意

故繁林壑弄春妍  
此下原闕行

牧牛圖

車邊起飯歌何烈  
角畔讀書世謾驚  
何似短僮無所識

夕陽  
村落見升平

溪橋風雨圖

前溪才渡又危橋  
風雨行人已倦勞  
更着客心孤迥處  
遠烟明滅寺樓高

跋後唐莊宗按樂圖

王業艱難百戰開  
洛宮春色醉瑤臺  
那知西部仙韶樂  
總是君王火葬材

紅雲香暖翠屏閒  
橫玉聲清內殿寒  
誰道畫師無遠意

丹青應見守城難

羣鷓古栢圖

振翮蒼巔控老拳，霜空物<sup>初</sup>不隔秋烟。<sup>料</sup>聊應攫裂脩蛇後，相與朋來一喜然。

書夢中語

春雲容與春陰輕，杏梢點紅楊柳青。人在畫樓斜照外，秋千臨水影亭亭。

春江獨釣圖

前金平陽人孫子安筆，十三科皆工。

渺渺春江碧若空，一絲斜綫釣壇風。富春莫擬幽棲穩，已在君王物色中。

峴山秋晚圖

春風漢水大堤平，雲靜巖樓峴首青。千古愴懷羊太傅，幾時親酌玉雙瓶。

伐石東崗得小山，一株雙峯並秀若。夏雲突兀兀者，

因命曰湧雲，僉謂名之甚稱，作詩以紀之。

坤靈凝秀幾千春，一日佳名號湧雲。淡僻性便雖老在，

自挑沙礫看奇文

孟光捧按圖

為申主薄受之賦

五噫歌裏動晨炊一敬還驚按等眉想得主人茅宅下  
肅雍形出二南詩

吳門烟暖褐衣輕春賃中間見本情豪蕩阿戎那解此  
夢回青瑣得卿卿

稠禪解虎圖

宋均政異於菟去魯宰風行野雉馴誰為碧崑方外客

等閒藜杖也通神

楞嚴堆紫滿凝塵山下閒來解虎紛千古阿師公案在  
寶香薰徹百巖雲

乙亥重九日客鹿臺鄉板橋里

滿川烟雨對南山冷澗重巖細菊班不著白衣携酒至

卧瞻衡宇已開顏

無人對雨情逾遠有酒盈樽意倦斟十日板橋田舍底  
似教平子遂初心

依依墟落俯山郊，雨濕炊烟覆屋茆。  
一夜秋風翻木葉，露巢高下見林梢。  
蕭蕭山雨暮寒生，漠漠青林宿靄橫。  
把菊佩萸俱寂寞，卧聽簷溜走湍聲。  
一官殆為公田秣，塊坐渾疑野老禪。  
我喜靜中觀物化，鹿臺風景似斜川。

疊嶂相連老雨昏，秋香狼藉擁籬根。  
野情本與漁樵熟，共席來傾老瓦盆。

百年悲感登臺柱，四座驚看落帽嘉。  
野鳥送歌人勸酒，閉門風雨醉山家。

山中佳節欲何酬，醉裏閒書醒不休。  
共着一樽相慰藉，李邕申子兩江州。

讀易龕即事

謁來採石事閒關，却得幽潛兩月閒。  
准擬後人重到此，指名王子讀書山。

十三年四月十九日待中灤渡

泛泛輕航波浪花春風自信動櫓牙不煩更擊中流楫  
六合澄清到一家

宿開封後署

拂拭殘碑覽德輝千年包范見留題驚烏繞匣中庭栢  
猶畏霜威不敢棲

許昌道中望三封山

大河失險已無金不待釣臺一雪深十萬選鋒同日死  
西風吹恨滿遙岑

跋松風醉歸圖

南陽修  
端卿藏

不向東華踏軟紅夢歸丘壑洒松風夜深健到山間石  
吹萬從渠摠不同  
危行危言到西雞炎涼時事旋相看放教兩耳秋風裏  
待與髯龍約歲寒

題烟江疊障圖

楚水吳山萬里秋風帆吹飽北來舟應憐滿眼新亭客  
空對江山雙淚流

江上晴嵐萬疊山，幾緣七國帶愁顏。而今一統無南北，滿意風烟送往還。

昆陽道中同陳節齋考試河南

官事無涯有限身，拚教赤日走紅塵。十年薄宦崎嶇裏，笑煞羲皇以上人。

朝趨長路暮郵亭，遠自南陽到洛京。馬上唱酬三百里，宦遊無似此回情。

路氏子榮養堂

遺愛親拜封人廟，戲彩重登路子堂。二事半生俱不遂，看雲淒斷蓼莪章。

退思亭詩卷

為李總判題卿賦

退食歸來靜掩扉，比量心事到精微。今年京洛重相值，一話能知五十非。

滿壺清醕薦柔毛，一尺甘膏遍洛郊。總道使君誠意格，至今歌頌滿衡茅。

拜狄梁公祠下

取日虞淵力儘多  
洗光重照舊山河  
雄忠貶入周人列  
似覺文公立法奇

京西道中

漢家綿絕要齋即見說  
趨程舉子忙  
一道綠槐梁苑樹  
輕花也學十分黃

怨笛落江梅

鏡裏青鸞怨獨棲  
月邊疎影伴橫吹  
誰憐一曲春歸思  
笛裏幽香是素知

柏鄉光武廟

上谷兵威突騎良  
風塵河朔入披攘  
蒼涼鄆邑祠前月  
曾照君王萬歲觴

臨制亡疑見理明  
治隆三代所由行  
竟從讖緯論邦計  
地下桓卿恨未平

宮武當年兩虎臣  
丹青千古照麒麟  
十年紫禁烟花底  
判府歸來恐笑人

麥飯蕪蕪誓不忘  
肯教大樹日蒼涼  
竭忠竟得來吳草

何慮蜀蛙不井亡

山行雜詩

川隔寒山日上遲  
榭林平抹霧烟齊  
晚涼貪趁征驂健  
候却西山四五題

亂山合沓四圍青  
行近星軺路漸平  
大約太行吾肺腑  
一重一掩總天成

入山不比出山寬  
回轉青林路詰盤  
曉色漸分烟店近  
范寬圖上記曾看

太行元氣老洪濛  
草樹風前帶樹容  
山色只宜差遠看  
近移空翠近高峯

西來游宦半忙閒  
六日迢遙道間<sub>路</sub>  
回轉羊腸三百里  
天教馬上飽看山  
入雲蒼嶺望中賒  
石運蜿蜒走白蛇  
見說碧峯爭秀麗  
不愁車馬下狼車

過山陽縣題七賢祠  
不到山陽二十年  
黃墟空鎖竹林烟  
盧胡笑煞稽劉輩



又向西山着祖鞭

七賢來為此君遊終歲相看散百憂却為歲寒貞節在

十年憔悴伴人遊

時竹禁嚴故云

一雲山行雜詩

門前流水屋頭山馬上行人畫葉間清化許梁三十里

只除天許此中間

錦窠蓮炬竟虛聞五馬西來忝幕賓似為愛山緣分重

着詩模寫太行真

過濯漉城

炎漢淪精到此灰獻皇空使後人哀篡成不獨曹瞞罪

須信桓靈是禍胎

路入燕城漲麥雲獻靈千古廟猶存一杯誰着濁漳水

少為征西酌餒魂

無所題馬坊

久游都邑無明畧出判名藩愧不才忽得解鞍俱忘却

一聲幽鳥竹邊來

題山陽七賢祠

黃塵換盡豕冠霜，薄宦驅人採火忙。  
一勺七賢祠下水，療飢猶勝食官倉。

山行雜詩

山下良田苦不多，耕來山頂作旋螺。  
薰風五月燕南道，千里黃雲際兩河。

唐叔虞廟

巍然遺廟枕城崖，霸業桓桓自此開。  
剗地不銷昭伯血，

瓜分何為出公哀。

潞公亭

唐都東望故城荒，澮水翔山半夕陽。  
前日潞公遺愛在，至今構構比甘棠。

陽城道中

兩極坡長馬力窮，澤南百里水泉空。  
朝來丹沁東邊路，始見河山大地雄。  
南來似為亂山囚，後擁前遮苦見留。  
多謝鍾靈不嫌俗，

坦然烟谷縱鳴騶

守歲夜宿太陵田舍

在平陽  
西山中

今年除夕苦羈柙着我西山更向西一嘗太陵田舍火

雪龕孤坐聽猿啼

田家無物具茶餽爐火龕燈達曙明野老向人無別話

新年時熟長官清

過郊底村聽田父話陝州事

張姓名一曾  
授榮州郎判

離離殘雪點山郊老樹冰崖映斷橋縱使林泉有佳趣

住山活業不蕭條

野叟龍鍾百戰甘目光如炬尚耿耿阿欽一死無由得

對坐從渠說趙三

時欽叔在阿不罕  
元帥府作經歷官

新道成試車東下寄德昭書史

老

千仞谿山險已平朝來喜逐炭車行兩鄉父來爭爭賀

萬事元翰有志成

野步

曳曳杖山行記可遊崎嶇初不厭經丘靜憐苔色圍孤石

開愛長松蔭碧流

大石橫崖亂作層  
偶來孤坐適幽情  
春生先自溪流見

暖散冰泉繞舍鳴

蒼澗行歌不見人  
草心泉脈動朝曛  
溪邊倚杖看來久

沙水空明散錦紋



秋澗集卷二十六

廿三日燈下校完星光爛然



